



序

古才人不遇往往發爲詩歌以鳴其不平幽憂之疾既  
深危苦之音易好後之覽者感均頑豔焉吾友車君梅  
隱少負逸才既長博涉墳籍尤留心古今治亂之迹爲  
文俊美有風骨先達王公蹕六劉公蕙圃皆以國士器  
之君亦意氣慨然思有以自見於世歲月不淹美人遲  
暮炎風朔雪傷十年徒苦之身夜月朝花砌一幅無聊  
之句窮者欲達其言不其然乎嗟乎以君之才使幸得  
用於

序

朝廷文章足以華國經濟足以澤民奈何使之憔悴江  
潭棲遲林野對名花以發嘆和落葉而哀吟錦繡撐腸  
徒葺芰荷之袂甲兵儲腹祇舉騷雅之旗吾爲君慨吾  
尤爲時惜矣詩三卷平生踪跡畧具其中鏗之者其門  
人宋梁宋棠陸源非君意云  
咸豐辛亥余月朔日榛山夏聖功撰



題詞

上元黃在浚集錄

四五年來把袂稀料應遊倦臥柴扉江南江北才名徧  
未信斯人老布衣

征槎兩度艤江關吟眺何曾肯少閒白下至今傳麗句

桃花紅繡六朝山

游清涼寺句  
集中不載

宋璇齊雲

病軀孤榻困愁緒一編開怪向清秋裏飛將白雪來當  
花吟下酒對月把登臺更喜逢人說東南未易才

題詞

黃岡嚴以幹後南

百虞文獻久心儀學富如君太數竒萬里關河雙袖淚  
六朝金粉一囊詩蘭成詞賦傷搖落越石悲歌際亂離  
識字從來憂患始才人慣不合時宜

吟成青史格翻新派溯龍門繼范陳豈讓太冲稱巨手  
定知明遠是前身興亡百代增才識著作千秋屬隱淪  
讀罷文園舊遺稿梅花孤鶴不勝春

俞廷颺半農

愁花恨草疊新詩一箇書生不遇時讀罷黃金臺下句

滿腔悲壯淚同垂

聞道英雄遇有時  
傳人原不藉傳詩  
兵書滿腹都無用  
零落騷壇豎將旗

王嘉銓 友山

名高許劭千秋鑑  
筆吐江淹五色花  
如此奇才終落拓  
問天搔首一長嗟

豐才嗇遇古今同  
莫把新詩唱惱公  
多少科名俱冷落  
至今人重羅江東

題詞

二

梅隱詩鈔卷一

贈梅花

冷豔疎香吐曉烟。數枝春在杏花先。林逋歿後誰知已。  
風月蕭涼七百年。

幾生修到梅花君。殆以和靖自命也。  
宋齊雲

擬古

灼灼園中花。綴枝繁以新。暮春風雨多。飄蕩落東隣。東  
隣商人婦。覩之感懷抱。念君非征行。經年歸信杳。妾貌  
梅隱詩鈔 卷一 一  
一春葩。馬能長美好。當牕拍繡鍼。淚滴交頸鳥。有人可  
寄書。寄書憑報道。縵中黃口小。鏡裏朱顏老。

古豔 黃集系

中秋回家松厓南齋賞月

向夕開書幌。樽中酒不空。蟾輝萬里共。燕賞兩人同。玉  
露霏苔磧。金颺夏桂叢。遙憐婦女寡。搗藥廣寒宮。

桃源嫌陳純詩不見中秋此見中秋矣松厓一片月

初滿九旬秋正中可稱競爽 王循跋

蚤起



漏盡披衣起。新涼動鬢邊。蟲聲喧似雨。花影澹于煙。斜  
月忽墮地。長河猶絡天。吟成人杳悄。隨意染華牋。

蟲飛薨薨露彼菅。茅三四似之。明星有爛南山朝。躋

五六似之。皆一幅畫圖。受業宋棠

### 病中聽雨

金鴨香消燈尚明。病扶危坐了殘更。林梢聽得瀟瀟響。  
半是花聲。半是雨聲。

清唱低徊滿目溢。傷心之麗。宋笠暉

遊虹現姆山等處同沈二亦韓周十伯衡

### 梅隱詩鈔

#### 卷一

#### 二

握登山下纏吟篷。布襪青鞋與客同。廢井尚傳虞帝蹟。  
安流誰憶夏王功。薔花村路高低白。柿葉人家遠近紅。  
薄晚神祠簫鼓競。居民報賽樂年豐。

高調深情家松崖

### 詠菊

凡卉媚春日。念君寒始芳。披將金鎖甲。獨力戰風霜。

菊爲隱逸花。却寫成忠臣。節士小贊詩。本性情不可

強也。宋齊雲

過張氏姪湘霞故居

人往空樓在。幽尋穢釣艫。文牕何窈窕。香徑久榛蕪。青  
佳。春風冷朱欄。夕照孤年年。二三月。悽絕妍歸呼。

環珮珊珊如有餘。響弔江妹於香塚。尋燕子之孀樓。

無此淒風雅揚妙製。

受業宋梁

### 秋夕偶成

蟋蟀聲喧落照餘。淡雲微月夜牕虛。男兒恥學雕蟲技。  
掛劍燈前讀素書。

激昂青雲有終童。棄繻班生投筆之概。

夏松友

### 自五松書屋夜歸

### 梅隱詩鈔

### 卷一

### 三

野曠星芒闕。微茫覓路還。鬼燈紅出墓。村樹黑疑山。亂  
柝荒城外。危橋漫水間。乘涼人未散。語笑滿柴關。

夜境有月易寫無月難寫三四森然幽慘讀一過恍  
攝人心魂於北邙間矣直是鬼才家松厓

### 表兄張輝遠久滯京邸詩以招之

君客都中久。素衣應浣塵。歌魚學齊士。買駿望燕人。閨  
怨紅顏婦。門愁白髮親。在家貧亦好。底事走踈蹤。

婉詞送款溫語醒衷旅人下淚物蕩子回頭藥

受業

鳳鳴山夜坐贈張老

迴與塵寰隔。寥寥坐夜分。巖高花拂月。洞邃石棲雲。鸞  
影臨厓弄。松聲徹曉聞。香茅思小築。長此伴夫君。

寫洞天夜景直是仙筆

朱聲一

深樹

深樹鶯啼不可聽。畫欄杆外雨冥冥。傷春人在東風倚。  
一瓣花飛一淚零。

鏤骨春情銷魂風韻願與普天下錦繡才子賞之

宋

笠叢

梅隱詩鈔

卷一

四

永和市曉起即事

木橋南畔樹棲鴉。零露涓涓濕草花。斜月半街人不見。  
一燈紅出賣漿家。

石溪晚行

楓子藤花落滿谿。夕陽紅射槿籬低。誰憐鴉髻貧家女。  
素手纖纖摘刺梨。

幽怨淒涼

弟芸圃

奧越王鐵券歌

乾干山雀飛不起。李花飄泊無所矣。八都將軍挽琬弓。

妖鳥禁聲螻龍喜。焦楚鎗捧詔書來。至尊優禮無倫比。  
羣蕃戈甲日紛紛。朱五經兒亂天紀。錢塘正朔奉中原。  
討梁僅見隴西李。我從後裔觀鐵券。狀如偃瓦高尺半。  
礪山帶河誓始終。雕鏤黃金宸翰煥。此物流傳千百年。  
摩抄令我重扼腕。鼉江羅隱久蹉跌。猶勸舉兵救唐室。  
鎮海鎮東節度使。棄捐故主如遺蹟。董昌僭號請討之。  
賊温篡弒甘屈膝。毬馬錦衣寵眷新。淮南一節換臣節。  
孤負乾寧異數恩。抱慙天地曷終極。擲還鐵券慨以慷。  
丈夫不學吳越王。

梅隱詩鈔

卷一

五

義吐光芒詞成鋒鏑。非非子弱冠慷慨讀此益想見  
之宋齊雲

詩貴含蓄此偏傾吐。詩貴和平此偏武怒。陳孔璋檄  
禰正平鼓上擬葩經。螭豺虎宋棠

大園晚步

藤陰雨餘厚。人影日斜長。一徑鳥聲寂。晚風吹竹香。

晨自永和市至明因寺

旭彩揚東嶺。人梭村市穿。山僧大自在。還抱鳥聲眠。

過宋十二丈齊雲隱居

繞屋桂扶疎。先生此隱居。西風舞金粟。亂點石床書。

齊雲清節於寫景中傳出。令讀者如或遇之。家松厓

讀伯祖鳳坡公傳。自注公諱任重明萬曆中官黃州經歷事見明史

神宗晚節太頹唐。礦稅紛紛擾萬方。誰道微官能報國。撐將鐵骨觸貂璫。

西垣拜杖血淋漓。宛氣應飛六月霜。爲國爲民撈掠罄。大荒披髮訴高皇。

忼慨涕泗諒精爽。聞此哭聲陸源

閱秦紀

梅隱詩鈔

卷一

六

擾攘干戈無已時。蒼姬弱祚遂難支。笑他七國爭雄長。鼎物終歸大賈兒。

兵器窮搜徧四遐。金人十二鑄京華。如何亭長醉歸後。猶有劍分當道蛇。

童男童女總娉婷。采藥輕揚海外船。太息華陰沉璧至。韞轆車載鮑魚腥。

築就長城北。備胡連山接海。煥規模。兆亡人在深宮裏。枉把民膏萬里塗。

欲愚黔首果何因。載籍隨煙蕩作塵。轉盼山東豪俊起。

揭竿不是讀書人

勤破函秦亂源議論破空目光如炬 第廿圖

蠶子湖雨霽騎牛還寓

好雨滂沱過。村農喜解顏。田間禾黍長。湖畔桔槔閒。人  
與潦爭路。天將虹挂山。倘非跨青犢。泥濫若爲還。

抵一篇喜雨亭記 宋笠峴

夜遊明因禪院

精舍芙蓉峰下。袈裳夜欵關。秋生臨水樹。月吐隔村山。細  
火珠龕裏。殘煙石磬間。支公邀客起。設茗話清閒。

梅隱詩鈔

卷一

七

禪境自佳讀之覺山月窺人林芳襲袂 陸源

清水塘

谿路行未已。履露清露痕。泉聲經石活。山影過雲昏。風  
撼鳥翻樹。月跟人到門。呼妻暫停織。餅酒爲余溫。

幽雋靈異有白雲挾筆而飛 宋笠峴

擲鉢菴月夜

新涼試袷衣。晚饑餐市餅。僧雛旋已寂。憑軒眷幽境。微  
風弄竹聲。淡月描松影。雲幻山愈深。泉喧夜彌靜。平生  
不自量。希古思狂騁。茲時觀我心。淵然一古井。

心樓智地口唾天花宋梁

秋夕東琴韻樓主人

碧天霜冷雁鳴秋。木葉蕭蕭下隴頭。我未成名君未字。  
月明樓上一般愁。

名上美人知心之語俞半農

梁溪舟暮

蕭寂谿亭畔。斜陽繫舸船。秋聲來似雨。暮氣出如煙。村  
靜柴門閉。林喧獵騎旋。一鈎松際月。清切照無眠。

承聯非極靜心眼領會不出家松厓

梅隱詩鈔

卷一

八

渡江

岷水東流去。征橈破浪紋。風濤八月壯。吳楚一江分。樹  
遠青浮薺。帆高白曳雲。茫茫興廢事。誰共語斜曛。

江景圖三四宏闊五六精細吳梅原

曉抵揚城

阿摩小杜足風流。勾引遊人尚未休。十里朱樓簾幙靜。  
昏枝搖夢到揚州。

拍曉抵有神無迹黃集孫

梁建寧侯王琳墓

維八公山巖壑阻深。故老告余。此瘞建寧。昔梁末造。王  
德。耄勤。委事羣倖。沉冥釋門。滔天羯寇。抵隙縱橫。殺戮  
黎獻。腥羶闕廷。侯本將種。驍果絕倫。從王僧辯。戰若雷  
霆。遂屠封豕。遂翦長鯨。湘東多忌。不隔疎親。怨深猶子  
魏患。西興。遠棄嶺南。赴援徒殷。伯兮叔兮。併命江陵。發  
喪途次。哀感三軍。上游震動。牛耳締盟。霸先跋扈。誅相  
廢君。迎齊質子。俾王明禋。侯周二暨。師出無名。麾旄沌  
口。一戰成擒。安州夜上。將襲溢城。亂流奮擊。免僅以身。  
野豬千艘。水犀萬人。巡軍白浦。慨想太真。本圖不遂。寄  
梅隱詩鈔

卷一

九

跡北隣。猶鳩義。故出合肥津。戒嚴水陸氣。吞逆臣。天不  
祚梁屋。蛆血腥。破胡驕。敵景和頓兵。突圍秦川。致命壽  
春頭。馳千里。心貫三辰。我尋瑩兆。於山之陰。薜碑荒蔓  
松劍鬱湮。慕侯忠壯。萬古如生。椒漿拜酌。雨袂沾襟。

歸太僕稱史記文字有興頭處便歌唱起來此篇逐

段歌唱宋棠

青溪舟中

斜日西風。古石頭。幾行疎柳。曳殘秋。南朝帝子。風流地  
付與詞人。載酒游。

天然風韻何減小杜之泊秦淮也宋棠

題村廟

古廟巍峩傍水濱。村愚祈福往來頻。何當土偶能言語。撒我三牲奉爾親。

不惟矧愚兼以教孝名言覺世是詩人大作用處宋

齊雲

淮城懷古

韓侯未虎嘯。辱嗟胯下受。生涯寄釣竿。一飽何時有。哀而進之食。千春頌漂母。風雲指顧起。煌煌印佩肘。芟莠

梅隱詩鈔

卷一

十

海內平。功孰居其右。隆準嫉賢能。會陳爲詐誘。不聽蒯徹言。竒禍中吕后。起跡始釣魚。結局終烹狗。我來淮城下。日夕風濤吼。王孫游不歸。悵望一搔首。皎皎開寸誠。欲排閭闔叩。紀代英雄人。誕降夫豈偶。如何生殺權。付兩婦人手。

使筆如劍咄咄逼人宋笠屨

唐節度使墓

艱難百戰裂封疆。漏盡鐘鳴夢一場。留得道旁翁仲在。

雨餘相對泣斜陽。

裝襯得妙如畫家布景紅樹疎林遠帶殘鴉數點宋

張墨江辱書見招賦答

久企張公子風流絕世殊閒情留白下公好遊林如陵時

高咏接黃初所著鋤雲軒詩辨香艸下才人顧我慙蟻蝨勞君惠鯉魚

談詩或不愧準詣藕花居宅有藕花書舍

阪橋鋪蚤發

行子懷往路夢中雞亂號蒼黃起蓐食顛倒披征袍秋  
林無人風不絕月明正在山之缺憶別當年曉月時每

梅隱詩鈔

卷一

十一

逢曉月如初別

清激悲吟雜以怨慕恨不令桓子野撫箏歌之發謝

公之一涕宋笠屐

夢歸故里醒後偶成

枕上歸心切曹騰到故關妝樓今夜夢見否遠人還

入情景宛然非非子真想又非非俞半農

金陵

峭帆一霎剪江還建業西風愴客顏秋草碧侵三國壘

夕陽紅戀六朝山燕飛龍渡今皆盡漁唱樵謳他自閒

多少淒涼懷古意。擬題樂府付雙鬢。

江山愁人平人愁。江山乎對此茫茫。殊有驪山草暗

梅塢花繁之感。宋梁

### 瓦屑壩舟曉

睡覺天微白。呼僮起煮茶。曉星帶楊柳。春水沒蝦蟆。渡  
尚傳麾扇。人初叫賣花。臨流誰氏院。釵釧響牕紗。

此晚唐人手筆也。摘其佳句當爲君買絲繡之。姚絳

仙

### 練湖春泛

梅隱詩鈔

卷一

十一

東風吹綠滿晴湖。一葉輕帆入畫圖。樹裏人家遮又出。  
雨餘草色有還無。閒吟白下新詩卷。冷醉丹陽舊酒壺。  
自笑乾坤容落拓。阮郎底事哭窮途。

青惜峯巒去黃知。橘柚來寫舟行最妙三四可追及

之。宋棠

### 弔琴韻樓主人

鈿飛翠羽鬢飛鴉。咏絮才華擬謝家。惆悵朱樓春夢短。  
罡風吹墮碧桃花。

小鬟指點畫欄杆。愛月常時倚檻看。想見吟魂幽絕處。

一庭風露翠衫寒

禁煙時節雨濛濛。猶記分箋詠落紅。今日飛花看又盡。

妖魂何處哭東風。自注年年寒食哭東風主人落花句

草草詩篇乏剪裁。謬蒙垂盼詔仙才。花間三五嬋娟影。

曾照紅了捧盞來。自注主人嗜余詩每呈稿必浮白賞之有三月鶯花留土客千秋騷雅屬

仙才句  
見贈  
蠨蛸網徧讀書牕。泉路誰傳鯉一隻。從此丹楓是紅淚。

征帆不敢上吳江。

眼中迸淚筆上燦花六朝人悼亡少兼此哀豔之作

梅隱詩鈔

卷一

十三

宋梁

愁情悲思曲曲寫出絕似李三郎從蜀道歸來見那

鳥啼花落水綠山青無非悲悼宋棠

東關

淶水送輕棹。薰風吹薄衣。家山忽爭出。客岸皆倒飛。

有一日江陵之勢客岸字杜撰得妙夏松友

董家嶼趙叟留飯

樵路逢村叟。皚皚雪壓眉。蔬盤留郭泰。蘆壁挂鍾馗。槐

密山蟬噪。槿疎隣婦窺。兒童飲犢返。笑問客爲誰。

如話如畫任蘭舟

經西冷蘇小小墓沽酒醉之

松柏西冷路。風流蹟未蕪。青樓春夢短。紅粉夜臺孤。橋畔維詩艇。村邊問酒罏。西風薄晚起。颯颯滿菰蒲。

瘞玉埋香佳人薄命停舟酌墓才子多情馮若卿

過夏松友家

出郭乘新霽。言尋我友家。川將冰作路。樹以雪爲花。瘦婦寒挑菜。嬌兒暖捧茶。日斜那許返。苦說酒能賒。

造句生新原評

梅隱詩鈔

卷一

十四

剡溪夜泊

寂歷南巖下。單舟繫夜深。繁霜千樹禿。斜月半溪陰。煙薄漁燈亮。風寒戍鼓沉。嶺猿爾辛苦。嫋嫋答余吟。

逸思翻空幽情泣夜宋梁

紀夢

火鑪燄不發。凍雪封牕牖。布被踏裏裂。寒威凜欲抖。恍惚雙羽童。直符握在手。云靈母召余。遂挽之前走。冉冉上雲衢。飄飄離塵垢。天風耳畔鳴。海濤脚底吼。俄至崑崙墟。竒峯接天陡。瑤池帶其左。翠水環其右。巖紅安石

榴澗碧堯年。韭穿林采藥姬。坐石彈棋叟。巍宇煥金碧。  
穹碑篆蝌蚪。旋見紫衣使。宣余入謁母。整容謹跪拜。履  
歷通某某。靈母時左顧。侍娥趨掖肘。清露浣余面。文櫛  
篋余首。戴余晨嬰冠。縮余夜光綬。起居列天曹。再拜辭  
不受。靈母徐爲言。君今慎母狃。百年隙過駒。萬事雲變  
狗。知君具仙骨。爲君脫凡杻。將貯君銀宮。將賜君玉臼。  
桂父典君琴。麻姑奉君帚。薰君返魂香。醉君療髓酒。饑  
飯君青芝。渴餐君碧藕。彩鳳執參差。斑龍騎蚺。紫府  
恣遊嬉。素書縱探取。勉哉就乃職。身老天地後。稽首前  
梅隱詩鈔

卷一

五

致詞。母言余則否。伊余雖不才。民物關懷久。四海未桑  
麻。余敢獨富厚。九州未衽席。余忍獨仁壽。修短隨化遷。  
險夷與道守。願從禹稷遊。恥作佞喬偶。相臣疾謫

雖游戲語却寫得異樣鮮艷一結殊有氣骨周仲升

不受靈母命爲言保今對母慈百手前戲海壽軍建交

餘余首篋余晨嬰冠縮余夜光綬起居列天曹再拜辭

秋戲其某靈母時左顧侍娥趨掖肘清露浣余面文櫛

寶曉葉拋陸沈良齊文與立余入備母整容歸讀拜與

游斷髮真手韭穿林采藥姬坐下騎其叟幾宇煥金碧

梅隱詩鈔卷一

上虞車林雲表

閨門感舊

又繫金昌亭畔舟。絲絲楊柳不勝秋。美人公子俱黃土。

怕上題襟舊酒樓。自注謂姚絳仙吳樵所

風調絕似樊川恨不獲吳武陵讀之。朱笠畔

飲馮茗卿園廬留宿

散步閩關外。徘徊覽物華。蒙君具雞黍。邀我賞鶯花。泉響滋春雨。嵐光雜晚霞。阮宣疎懶慣。醉處即為家。

梅隱詩鈔

卷一

一

勻適流麗五律當家雞黍自有鶯花作對不必稚子

摘楊梅宋棠

贈媽然較書

行春橋畔閉門居。嬈嬈婷婷二八餘。誰信吳閩金滿市。

一枝紅豔屬寒儒。

香麝金猊燭翦銀。幾回行酒起逡巡。飄蓬莫漫罇前訴。

我亦青衫落拓身。自注校書雲間人僑寓吳閩

晤秋娘於白下對商婦於潯陽千古才人同此感愴

孤負

鳳泊鸞飄笑此身。又携琴劍走風塵。青山遮斷征鞭影。  
孤負登樓望遠人。

對面寫來一寸離腸千萬縷 宋笠叟

登觀音巖

尋壑經邱到此峯。峰頭吟眺久桴筇。雲形變幻成蒼狗。  
江勢蜿蜒走白龍。蔣帝荒祠殘燒入。蕭郎戰壘怒濤衝。  
南興南廢無窮事。博得僧樓幾杵鐘。

江山滿目一往情深何必聽雍門之彈揮峴首之淚

梅隱詩鈔

卷二

二

意致乃爾悽惋 宋棠

秣陵七夕

銀潢清淺不生波。一歲惟傳一度過。牛女有情應亦老。  
那堪經得別離多。

七夕是第一可憐夕。借牛女傳出心事。覺沈休文代  
牽牛答織女。王元禮代織女答牽牛。猶是他家閑事。  
無關自己的痛楚 宋棠

揚子曉渡

櫂過丹徒壩。江天曉境幽。金焦浮水面。星斗落船頭。宿

雁蘆汀起。征颿瓜埠收。朝瞰與遊客。同上酒家樓。

金焦十字實有此境。創有此語。但高雅自然。刻劃卽失之矣。結與夕陽同入門並妙。匡蘭舟

夢周香川

獨夜難成寐。多因欠舉杯。愁邊聞雁度。夢裡見君來。苦道音書滯。驚看鬢髮催。蒲牢山寺吼。伏枕有餘哀。

一氣貫注唐人格律。陸源

題儀真酒樓

薄晚輪蹄瘁。居停問市樓。開軒斜日落。倚檻大江流。作

梅隱詩鈔

卷二

三

客同王粲。何人識馬周。不平事滿眼。呼酒看吳鉤。

雄心猛氣磔磔飛。動其聲徵羽。其人燕趙。宋齊雲

醉臥梅花下

歲云暮。梅花開。憐花幽寂携酒陪。一杯復一杯。不覺玉山頽。空山兮無人。星月兮皎潔。北風兮蕭蕭。滿林兮霜白。擁疏影兮爲衾。凋藉殘英兮作枕。席斗柄欹斜兮。猶依稀得聞乎薌澤。花之侍兒曰翠羽。時時啁晰向花語。素娥倚廣寒。指點互相笑。羅浮仙子家。今夜宿年少。

太白遊象耳山留題云。夜來醉臥月下。花影凌亂滿。

人衣袖恍如濯魄於冰壺也時以爲天仙語此詩亦

何多讓 宋棠

送燕

梁上紅襟燕。羈棲覺意違。半生憐小住。萬里送將歸。豈耐風霜逼。竟羞門戶依。伊余留滯久。心羨汝能飛。

觸物感懷與少陵舟中見燕子作同一悽惋 宋棠

魚溝

風露浩冥冥。傍村艫棹停。砧敲兩岸月。漁臥一江星。偶語人歸浦。孤嘶雁落汀。長年吹荻火。熨酒慰飄零。

梅隱詩鈔

卷二

四

另是清境非高堂。深居人所知。余嘗孤舟夜泊見珠斗滿江而不能咏讀此叫絕 王循陔

三句勝新月猶懸雙杵鳴。四句勝漁臥一船霜 宋棠

冬日別吳梅原

往來江淮間。已閱兩星霜。薄食溷屠隸。低眉羞昂藏。今秋遇季子。慰藉良慨慷。飲我盃中酒。坐我林角堂。論交吐肺腑。談藝呈琳琅。棲遲歲云暮。徒御戒行裝。祖餞白下門。驪歌雜笙簧。元雲蔽層嶺。勁風號枯桑。世途莽荆棘。懷君涕沾裳。

荒城古驛夢千里遠水斜陽天四垂陽關圖故堪懷

絕 宋梁

蚤行苦寒覓村店小飲

行子登程蚤馬頭星滿天雁橫沙岸月梅凍野橋烟漁艇蘆花裏酒家楓葉邊敲門沽一醉如負襖黃綿

寒色如洗 陸源

登岱

岱岱高萬仞兀茲東海間紅騰半夜日青壓九州山衣覺雲霧襲手能星斗攀玉皇頂上望忽忽隘塵寰

梅隱詩鈔

卷二

五

吐舌萬里唾四海如此方許作登岱詩 宋齊雲

渡滹沱河

五銖當復必有主絳衣大冠起商賈更始之世紛么麼君臣兔脫走滹沱數匙麥飯聊充腹戰甲冷霑霖雨多野渡無船絕津濟王郎兵到將奈何功曹詭說河冰堅大駕涉之果安便何不背水決死戰事邀天幸特偶然我行渡河當夏五河流瀾瀾漲沙浦同舟老翁何許人指點山川說光武

叙事中陡插議論咄咄逼人先生喜談兵此處有不

滿雲臺諸將意宋梁

答內子書錄一千里外與誰賦公以勞情思成  
翠被西亭夜夜冰。緘書多感細君矜。明時賣賦無人要。  
那得黃金聘茂陵。

悽詞滿紙愁腸盈。襟孤鶴寒嘯遊鴻遠。吟宋梁

廿六送劉廷琦歸秀州

易水蕭蕭起夕波。嘆君此別意如何。來彈燕市愁中鈇。  
去挂鴛湖夢裏蓑。携李果然富雲壑。始窻亦有好煙蘿。  
篋書未獻歸無計。東望錢塘感慨多。

梅隱詩鈔

卷一

六

八句用六地名使人不覺的是名手吳梅原

居庸關

蒼莽居庸道。朔風號有聲。哀笳吹漢月。羸馬牧秦城。當  
世方多事。頻年未罷兵。北門誰鎖鑰。潦倒嘆吾生。

豪傑之氣不能自靜。逼現紙上當作羽聲。慷慨讀之。  
宋笠叟

寓中寒食

麥飯盛盃酒注罇。二千里外與招魂。生兒漫說懸弧志。  
愧煞村農拜墓門。

孝思可感與柳儀曹皂隸庸丐之言同此沉痛 宋棠  
從達總戎獵應教

一路風沙慘將軍獵塞垣。旌旗分隊擁。鏡鼓合圍喧。野  
鷗驚弓起林麋。帶箭奔。虎狼今斂迹。敢復對人蹲。  
寫得熱鬧紙上沟沟有聲抵過一篇校臘賦視張承

吉作君才十倍曹丕矣 吳梅原

詠古

拔山扛鼎起江東。一火咸陽三月紅。衣錦還鄉遺恨在。  
不留猛將鎖關中。

梅隱詩鈔

卷二

七

不項羽失策在用降虜守秦予亦有句云聚鐵六州難  
鑄錯用三降將鎮咸陽同此意也 宋齊雲

一賦凌雲動九重。卓王孫豔壻乘龍。當時若不逢楊意。  
誰識臨邛賣酒傭。

千古淪落不偶才人同聲一哭 宋齊雲

投筆班生莫漫矜。苑枯有命我何憑。玉門偶遂封侯願。  
亦有將軍獵灞陵。

非抑定遠特借此以自抒其抑塞耳 宋齊雲

不念牛衣對泣時。彈文朝上夕橫屍。男兒欲報君恩重。

此事原非女子知

遂使王京兆心事炳然千古

宋齊雲

蛾眉絕代委胡塵。青塚於今草不春。綬靖邊烽勞女子。漢家將帥是閒人。

卿言亦復佳。可當馬上琵琶一闕

宋齊雲

司馬家兒未盡昏。衣留碧血慰忠魂。偷生羊后誇新眷。應玷輕裘太傅門。

羊叔子之賢而有是女也

宋齊雲

散米量沙大將才。白扶鳩曲至今哀。六州春燕巢林木。

梅隱詩鈔

卷二

八

誰遣長城自壞來。

不殺檀江州虜騎寧至此

宋齊雲

雄據東南十四州。強弓怒射海迴流。討梁終拒羅橫請。枉築宮中握髮樓。

不討朱溫實爲武肅恨事李亞子真英雄矣

宋齊雲

滾滾黃沙暗八陵。北轅舉族踏層冰。瑤華廢后蒙天眷。留與高皇啓中興。

二帝九宮與金俱。北后以廢得免豈非天意

宋齊雲

宛起漁舟江上討。關西將士涕漣洏。千秋齒冷張都護。

給敵高懸統制旗。

申曲將軍寃并盡情出魏公醜。

宋齊雲

榆柵雨宿

倦憩黃茅店。牕櫺暗濕雲。燎衣爐薄暖。看劍酒微醺。香  
漢鵬垂翅。江湖雁失羣。歸驂何日理。真悔遠從軍。

悲涼慷慨有秋笳曉角之音。

陸源

燕山道中寄都門諸同好

黑貂裘敝朔風驕。衰草寒雲去路遙。黃葉堆中鴉穀穀。  
青山影裏馬蕭蕭。烏臺小住經三月。

梅隱詩鈔

卷二

九

鳳闕迴瞻在九霄。孤負羣公相厚意。不才難戀  
聖明朝。

感寄蒼涼粉墨蕭。瑟落蘆花於楚澤。冷楓葉於吳江。  
棄婦孤臣不堪多聽。

宋梁

黃金臺

莽莽寒雲一雁翔。燕臺遺跡久荒涼。殘衫破帽南歸客。  
雙淚無端灑夕陽。

遺址之殘廢過客之悲涼。一一傳出令讀者如或見

之起尤妙。惟北風雨雪白露蒹葭有此景象。易水歌

不及也宋棠

介之推祠

公子遭多難。從亡十九年。隱還能奉母。功豈敢貪天。祠樹滋春雨。人家散暮煙。絲田今在否。悽惻駐征鞭。

五六用事無迹極鏡花水月之趣

陸源

宿沙礪驛聞雨

鶻客憎長夜。牀頭酒已空。夢殘燈影裏。秋碎雨聲中。環壁奔飢鼠。頽雲壓斷鴻。那堪泥滑澆。明日掉鞭東。

羈客易愁雨。夕爲甚。况酒盡。夢回時。乎何仲言夜雨

梅隱詩鈔

卷二

十

滴空階。張仲素孤燈照雨聲。並是淒涼

宋棠

寶劍歌

我有寶劍。精光蘊碧。採天地精成。此三尺。解夢帝謂已。胡藏異物。是能斬佞。是能殺賊。解徧遊都市。善賈弗得。拆作腰鑷。誅茅刈麥。解嗟彼荆壁。於世奚益。一十五城。曾莫之惜。解

賦士不遇耳。作咄咄語。直欲呵壁問天。縛船罵鬼

宋

梁

不閱留都紀事

龍髯鼎湖墮。紫蓋飄南都。桓桓史閣部。忠亮日月俱。招徠明義故。戮力相匡扶。長江建列侯。鎧甲溢城郭。左軍襄陽屯。犄角勢不孤。擬將誓六師。李郭功再圖。上以報山陵。下以慰輿徒。否則晝天塹。東南據一隅。晉元與宋高。異代得同符。奈何耽淫樂。魁柄授兇渠。奸朋日滋蔓。正士駢首誅。獄中腐故劍。泉鳩劫鳳雛。

王師平闖逆。領兵抵淮徐。關部保揚州。飛章屢疾呼。彼昏醉不聞。力竭捐其軀。樓船亂瓜埠。風鳴金僕姑。荒宴夜未央。狼狽奔蕪湖。靖南飲矢卒。獨夫坐待俘。金陵豐梅隱詩鈔

卷二

十一

鎬地瞬息委。荆蕪事去二百載。覽史重嗟吁。荒淫宴樂棄君子。而用小人。明祚之不終。宜也。慨乎言之。筆下有風雨。怒號波濤。洶湧夏松友。

王家營見牡丹

土垣缺處露名花。過客停車爲嘆嗟。一種沉香亭畔品。如何流落野人家。

陸沉金馬之感聲情紙外

朱聲一

哭卓兒

黃口啣書至。開緘涕泗并。人間兒棄父。地下妹迎兄。拍

一。放。殲。覓。粟。聲。猶。喜。牽。衣。夢。早。驚。注兒前二千餘里  
路。世。網。恨。吾。嬰。

是一面哭一面說情景雖三峽啼猿隴頭鳴水未若  
斯之哀也 弟芸圃

同計二遊赤壁下

挂得帆如葉。西風汗漫遊。乾坤餘爾我。戰伐話曹周。故  
壘荒秋草。長江急暮流。浪淘歌一曲。拍拍起沙鷗。

風流慷慨使關西。大漢執鐵綽板唱之何減大江東  
去 宋棠

梅隱詩鈔

卷二

十一

滁州道中

蒼蒼煙樹帶斜陽。鴉雀倦飛鳴且翔。騎馬清流關外路。  
亂峯如劍割人腸。

日暮途遠覩鳥飛之倦還感馬首之靡托此興體也  
落句慘澹令讀者心怛怛然 宋笠翁

清流關

山徑縈紆騎屢停。風吹不斷野花馨。雨餘澗飲雙虹碧。  
雲際峯排萬笏青。斜日亂鴉名將墨。淡煙喬木醉翁亭。

太平轉愛巖疆好。天與滁人列畫屏。

寫景之確身歷者始知王循跋

池州早發

滿城在夢寐。客行已江邊。玉妃喚月去。霞燒東海天。嗟哉遠游役。苦爲塵網牽。止必棲鳥後。起必鳴雞先。先世好隱居。卜宅虞東偏。結構始南渡。衣冠盛當年。沃洲峙後岑。夏蓋明前川。阡陌既繡錯。雲煙復綿聯。曲徑挂蘿蘿。小池引山泉。茂樹可休息。磐石堪醉眠。逝將稅羈鞅。偃仰隨所便。

因客遊之苦想家居之樂所謂無高山不顯平地也

梅隱詩鈔

卷二

十三

玉妃十字是天漢人語紙上如聞瑤風瑟瑟陸源

袁浦

嘈雜人聲動。蒼茫水氣昏。亂流歸大壑。片席挂初暎。浪白田橫島。煙青漂母村。平生湖海淚。霑灑與招魂。

旅夜有述

寥落關河夜。何須月入門。夢回雙杵急。愁比衆星繁。迂性難諧俗。窮途易感恩。故人書札至。絮絮話寒暄。

鬱伊易感愴。快難懷千古。厚祿故人俱。當捫心千古。

落魄才人一齊灑淚宋笠峴

秋杪邗江路。鴉鴉蕩小舸。萍消浮鴨港。柏綻畫烏亭。照水頭將白。看山眼乍青。西風歸燕盡。誰與訴飄零。

清婉淒切盡。羈人怨土之思。每當荒江日暮。斷岸維舟。獨坐吟此詩。不必猿鳴三聲。淚霑裳也。宋 梁 宋

留鬢後照鏡

休沐旬時廢。于思滿面皮。俄驚吾至此。幾訝子為誰。啜粥措應厭。哦詩撚或宜。西風飄拂處。短髮共披披。

悲涼中生出游戲來妙

俞半農

梅隱詩鈔

卷二

十四

春日遊蕭家湖

湖樹湖雲碧似紗。羣兒飛處棹嘔啞。雨敲蓬背如蕉葉。僮指村頭有杏花。一卷詩携鷺掖草。張藤村集名半瓢泉淪鳳亭茶。生涯還賸漁舟在。且自遨嬉玩物華。

語音脆嫩似嚶嚶鶯聲花外轉

宋 笠 明

揚旗壘夜坐寄黃二

山缺月初上。戶庭餘半陰。狄颺騰樹杪。星斗凍潭心。破屋愁都入。羸軀老便侵。喃喃呼賈佛。不是鳳鸞音。

前寫景一幅畫圖後叙情滿肚酸苦 陸 源

別崔運使

浪漂萍梗泊維揚。多感憐才雅意長。珠翠簾間容暝曉。  
金貂座上嘆文章。梅花春雨公開閣。莼菜秋風客思鄉。  
知遇恩深何以報。臨歧嗚咽看魚腸。

微事夸飾如洞庭。美人芙蓉衣而翠羽旗。絕非世間  
物色以情韻勝也。太白一生低首宣城。余於先生亦  
然。宋棠

舟發金陵

故鄉遙指暮雲間。安穩西風挂席還。未免有情拋不得。

梅隱詩鈔

卷二

五

白門楊柳六朝山。

名士風致。王小籟

舟次許墅關聞歌

蘭橈泊處夜清寥。月瘦煙寒已落潮。我正相思不成寐。  
隔江誰唱雨瀟瀟。

愁情苦韻此潯陽。江上琵琶也那得不濕透。司馬青

衫。宋棠

代茗卿上林少穆中丞

深秋霖潦漲胥湖。太息民間物力枯。四野稼禾飼魚鼈。

萬村廬舍浴鷗鳥。幸逢。

聖世通言路。願繪流民作畫圖。早晚賑饑恩。詔下窮檐。猶或保妻孥。

爲民請命一種纏綿悱惻之情溢於言表 朱齊雲

留別林中丞

頻歲違鄉縣。棲棲道路間。壯懷餘白首。幽夢滿青山。猿鶴應惆悵。樵漁好往還。蒼生公等在。容我就安閒。

說得彼此俱有身分韻語中想見其生平 朱齊雲

歸渡錢塘

梅隱詩鈔

卷二

十六

望見越山雙眼明。書生活計是歸耕。尚餘滿把窮途淚。灑作波濤不肯平。

悲而壯爲驚波怒濤不爲淒風苦雨 陸源

此一氣呵成之詩非奚囊得句之比讀之覺耳目心

神俱動 周嘯雲

梅隱詩鈔卷三

上虞車林雲表

金烏山贈朱名振先生

夫子何爲者。寥寥此隱居。寸心天下事。一榻古人書。雲霧中行藥。藤蘿下釣魚。清時禮紀備。山澤老名儒。

無限惋惜卽謂先生之自狀晚境也可

陸源

與弟姪輩省先中丞墓

小寒食日雨濛濛。擔盒攜羣掃祖塋。華表鶴歸應有恨。兒孫沒箇振家聲。

梅隱詩鈔

卷三

一

見梁湖壩有以牛運巨口者感賦

荷犁最苦耕千畝。運石還看拽萬鈞。蹄血領瘡鼻煙火。世間問喘更何人。

寄慨至深第三語句法創造昔人所未有也

宋齊雲

南樓雨夜追悼松厓兄

兒時就家塾。相共一寒檠。風誼兼師友。文章有弟兄。玉樓催作記。金榜斬題名。蕭瑟山齋雨。支牀獨愴情。

青山埋骨夜雨傷神天黯黯而雲愁山幽幽而鬼泣

宋梁

沈生德淵草堂

僻近村墟靜不譁。著書歲月最清華。西風一夜吹零雨。開盡籬邊紫荳花。

秋感

鼎鼎華年逝。閒居賦可裁。孤村無客到。微雨送秋來。供眼書千卷。澆胸酒一杯。西南多戰鼓。會有濟時才。自注時新

疆臺灣警報叠至

撫時感懷悲涼欲絕 增宋光策

題商溪草堂

梅隱詩鈔

卷三

二

一自燕臺去。抵今信息稀。商溪好風月。閒煞釣魚磯。

齊雲為余稱商溪。十字勝似一篇北山移文。夏松友

丙子四十初度戲贈

汝年二十一。始為余家婦。雖乏桃李姿。亦云琴瑟友。伊余生不才。顛拙故無偶。委懷墳史中。萬事等芻狗。持家賴汝賢。能操井與臼。辛苦嫁文人。詈言未出口。汝安黔。婁貧余樂孟。光醜今汝年。四十余亦二毛久。恭逢設悅辰。何以介汝壽。囊空余羞澀。從汝謀斗酒。

深情語以丰韻出之。是古今第一風流壽章。宋齊雲

鷓鴣詩用予字十蓼莪詩用我字九其情至故不覺  
其言之繁詞之複也此篇五余六汝從彼脫來而年  
二十一年四十前後照應成章法尤妙在處處得戲  
字之神 宋棠

送劉蕙圃師之官粵西

慘澹蒼梧野。兵戈有歲年。自注時遭趙民勞思父母

帝簡得才賢。史稿儲三篋。家風選一錢。朝陽萋葦樹。移

去。陰。炎。天。

猝遣西河變。同堂盡泫然。自注時長世兄病卒瓊花委霜下。玉樹

梅隱詩鈔

卷三

三

折風前身已。國家許情甯。兒女牽縹緗。傳舊德。賴有次  
公賢。

昔者鄉前輩。曾官嶺嶠焉。泉貪何礙酌。珠徙竟能還。公  
爲蒼生起。政成青史編。應同孟太守。千載令名傳。  
長憶絳紗帳。春風坐二年。雕龍材技聚。題鳳寵矜偏。攬  
轡公行矣。執鞭余慕焉。后山香一瓣。祝向海雲邊。

吉甫作誦穆如清風 自跋

德業相勸一切酬應浮詞不知掃向何處去後蕙圃

居官潔已卹民捐館之日雖焚童苗婦莫不奔走悲

號是詩可謂善頌善禱矣

宋齊雲

首章瞻仰次章安慰三章頌禱末章依戀章法秩然  
詞旨藹然先生以風誼持世有德者必有言信哉

宋

棠

委巷

委巷難旋馬蓬門晝亦關人強百事拙天遣一生閒  
飲酒明月下讀詩秋樹間無端猶繫念輪舶在舟山

若無末了一轉便真似心灰意索然矣此詩人本領

高處

宋齊雲

梅隱詩鈔

卷三

四

夜起

中夜聞雞起凭欄聊自哦可憐明月好只照戰場多  
佐吏宜殷浩將軍要伏波腐儒憂國淚寂寞灑煙蘿

獨絃哀歌感心動耳裕制軍之不終已透出消息矣

黃吾三

松友過余夜酌

日落窮廬夕俄傳客到門逢迎掃荒徑歌笑對清罇  
夜影燈懸閣秋聲樹繞村邱園吾道在此外復何論

村夜留客圖

宋笠耕

妻弟朱文瑞夜話

城闕漏三下。清談欲廢眠。酒醒蕉葉雨。秋老菊花天。湖海餘知己。文章入暮年。聞雞余懶舞。任著祖生鞭。

三四幽豔之韻綴以淒涼

朱乙樓

一見梅花有感

干戈殊未已。梅又發垂垂。坐感節物變。豈非人事為。身卑難許國。語激易傷時。荆婦頻煩勸。花開但舉卮。

撫時感事菰蘆中。如聞太息令我淚。不能收。

黃吾三

贈王將軍崑伯

梅隱詩鈔

卷三

五

弓開霹靂劍奔星。百戰威名震洞庭。

自注將軍舊在湖南平賊匪趙之信

有功飲馬曹娥江。上水鐵衣還帶向來腥。

刁斗聲中抱甲眠。進軍令盼戟門傳。春風吹送笙歌到。

漠漠楊花滿戰船。

一路敘述拈景結化全篇為縹緲而言外之意味無窮

窮豈非仙筆

朱聲一

感事

歷次聞兵戰。我軍頻棄戈。天青塵燧黑。人少虎狼多。故

老思宗澤。

謂林危疆倚薛婆謂奕督師

經畧

彤廷簪笏滿謀國竟如何

我欲上書問朝士恐被人訶妄男子英雄熱腸千古

同嘆

吳梅原

### 孝婦篇

姚江朱生爲余言溫璜妻陸氏遇賊事余感其

### 孝作孝婦篇

姚城陷官軍奔亂賊殺人西石村孝婦扶姑倉黃竄於野之叢棘棘枝疎復密風吹汝兮浙浙賊搜得姑將以剗刃婦出蔽之刃傷婦頸精誠感天天心哀乃有土兵

梅隱詩鈔

卷三

六

掩至如風雨之飄忽如霹靂之轟虺賊紛紛各鳥獸散孝婦帶血扶姑得重回噫吁嘻此事世莫比直與漢時吾邑曹朱二娥相埒矣婦氏陸而從溫誰其傳者考亭孫

寫出陸婦之孝如烈日嚴霜人與詩俱當不朽

陸源

### 橫涇阪

春過橫涇坂停驂一悵然狐羣充斥里巷草族聚原田白是耕夫骨青爲戍地煙桃花爾何賴猶發野塘邊

荒蕪滿目抵得一篇弔戰場文

宋棠

送范副戎解職歸吳興

勾餘山下陣如雲。誓掃兵氛答

聖君。今日中朝和議定。不勞汗馬策奇勲。

茗溪歸與白鷗羣。把袂臨歧日欲曛。應向錢塘江上過  
爲余一弔岳將軍。

含情未申撫衷無限 黃集孫

舟至東山謁謝文靖公祠感賦

李萼猶未落。羈遊百慮牽。揚帆過遠浦。攜屐上層巔。蔥  
鬱石門樹。淙潺微洞泉。山因謝公著。地與剡谿連。故宅

梅隱詩鈔

卷三

七

更僧舍。遺祠傍墓田。綠蘿縈敗瓦。烏鵲噪殘筵。昔者馬  
浮渡。寇來符阿堅。都人憂左袵。江水斷投鞭。氏衆將百  
萬。王師纔八千。三靈疑改卜。半壁賴安全。棋向官僚賭  
幟。看兒輩。奉沙蟲。秦壘幕。風鶴晉。戈鋌況以

皇圖廣。兼之武德虔。西方俄蠢爾。南國竟騷然。處處喧  
飛檄。家家避控弦。閭閻懸耒耜。府庫罄金錢。骸骨白橫  
野。旗旌紅蔽天。蔓延及四省。蓼擾歷三年。安得中朝將  
能如太傅賢。

臨軒授斧鉞。制闕建旂旛。江左軍鋒次。春明露版傳。梗

車粉螳臂搗穴蕩蛟涎

宵肝勤俱釋蒼黎病頓痊四郊增氣象萬里絕風煙  
暮才難盡淪飄力未愆沙堪運籌劃石好紀勲鐫時事  
終如此我懷誰與宣谿毛再拜薦攬涕掉歸船

懷古之情憂時之志用世之思一齊揭出紙上先生  
不出吾亦作如蒼生何之嘆

陸源

鳥言

瘦兒世衰俗薄父子失道也

瘦兒瘦兒蘆蔽兒寒榆療兒飢父兮父兮只道後母慈

梅隱詩鈔

卷三

八

不如歸去招遊子也

不如歸去歸去對妻孥滿眼笑與語君何爲者道途寥  
廓長羈旅

得過且過君子知足安分而無外求也

得過且過粗布衣強如裸脫粟飯強如餓

採茶去在位貪婪民不堪其苦焉

採茶去權茶政如虎張家娘李家姬休惜布裙霑棘露

麥熟凶年饑歲民不聊生也

麥熟麥熟海田禾荒待麥熟兒好手持麥餅婦好口霑

麥粥

麥黃快割憂軍需也

麥黃快割。寇氛不靖。官軍坐待衣食。大吏下符租稅迫。

鴉鵠。鴉鵠天降淫雨。貧民不得食力也。

啼鳴鳴。鴉鵠。鴉鵠。彌旬霖潦。積道塗。十室八九煙火。無室。守男婦。

行不得哥哥。君子遭讒懼禍也。

行不得哥哥。天荆滿地。棘多含沙鬼。蟻伺人過。柰若何。

非有是事。借以作歌。曠亂煩冤。楚騷遺響。

宋笠咩

梅隱詩鈔

卷三

九

泊船斷河橋

泊船依野店。持酒不能吞。村落上燈久。老親應掩門。

紙上是魂筆。下是血詩。到至處能令意象名言俱喪。

宋笠咩

陟岵章念親思已不說已思親。蓋一說出情便淺也。

從此脫胎最蘊含可味。

宋棠

抵家

訪舊若溪路。往來經四旬。往時梅覆砌。來日柳搖津。慈母迎顏喜。嬌兒繞膝親。爲炊勞寡嫂。石首薦盤辛。

慈母嬌兒外添箇寡嫂文致愈濃指梅柳石首以紀時亦東山瓜苦栗薪之遺 宋棠

對月飲酒歌

雲盡碧天露寒叢桂兀坐中庭看月忘寐 一有月時少

無月時多有月無酒如良夜何 二酒在於杯月在於酒

把酒一呷月落我口 三月圓月缺萬古如此愛看月人

而今老矣 四

妙境自須妙筆寫之結有憂生之意王臨川所謂情

隨事遷感慨係之也 宋齊雲

梅隱詩鈔

卷三

十

松友詢近况賦答

朔風秋冷腐儒裳寥落何人到草堂黃菊花稀如舊雨

青楓葉變得新霜長猶置膝憐文度老尚齊眉對孟光

半世壯心今已矣但煨芋拙話家常

如聞撫髀之嘆江郎賦亦以左對孺人顧弄稚子爲

恨功名中人懷抱爾爾 宋齊雲

絡緯

竟夕不停響勞勞空爾爲何如苦吟客纜得一頭絲

幾於思不成倫矣令人笑哭 俞半農

觀官軍之奉化

海漲兵荒後。苛求政失平。訴冤投吏網。鼓忿抗官旌。飛  
羽軍書下。橫戈鎮將行。不過煩撫御。蠢動本農氓。

藹然仁音足。以發揮風雅。若官人皆如此。用心則天  
下安可得矣。宋齊雲

夜訪崧南老人至青草泊迷渡而返

天寒四野靜。躡履到橫塘。猿挂幽巖月。鳥嘶冷岸霜。林  
黃秋嫋嫋。水白夜茫茫。悵望仙源路。何由一葦杭。

蒼涼瀾渺有兼葭。秋水之致名人畫本不能到也。宋

梅隱詩鈔

卷三

十一

笠舛

丙午紀旱

前年霖潦。去年螟螣。今年又甚。十旬不雨。祝融肆威。火  
熾高樹。如燄如焚。蒸鑠區宇。夜占明河。東牛西女。月紅  
于燒。豕躡何許。雲氣或騰。雷聲復怒。扶搖旋起。霾翳條  
去。下民望殷。莫敢窺處。靡望不走。靡神不舉。鼓坎坎擊。  
巫蹲蹲舞。女魃裸奔。土龍僂俯。自夏徂秋。屢更物序。蘊  
隆蟲盡。則不可沮。枯涸川流。焦卷林莽。竭鳥日開。喘  
舌吐津。斷征帆。道稀行旅。汲泉爭井。求漿閉戶。憂我父

老斃我禾黍。昔也綠野今也赤土。比歲不登。備罹屯苦。宰官急公。視若無覩。供奉心勞。徵求力努。縛民如雞。縱吏爲虎。晝囂里門。夜哭環堵。號咷徧聞。瘡痍誰撫。聚其焦愁。結此毒暑。治平之世。風雨十五。和氣致祥。應猶杼鼓。暴殛誠非。鞭石奚補。請烹宏羊。請磔碩鼠。

名言絡繹段段精神 錢蓉塘

登鎮海關樓

千里拏舟過甬東。憑高吟眺思何窮。浙江險隘重關扼。滄海波濤萬國通。自邊番弄竿挺。遂教閭左變蒿蓬。梅隱詩鈔 卷三 十一

書生漫作長城倚。草草麀兵敗乃公。

鎮海關瀕海爲浙東要害處三四指陳形勢足徵胸

中武庫後則哀生民之遭亂冀守關之須人才氣忼

慨瞻矚非凡 陳書玉

與周仲升飲錢塘舟次感懷

早歲讀書期有用。揣摩帖括笑時賢。而今白髮知多少。風雨錢塘理釣船。

把酒高歌有鬼神。狂言猶欲向君陳。男兒未死誰能料。

異日疆場要此身。

壯俠撫肉之嘆。崎幽玩劍之憤。

宋梁

酒酣耳熱向故人。一吐胸中抑塞磊落之氣。帝江皮靈鬣骨以禰正平。過之方得此悲壯。

宋棠

贈陵峯大松

喬幹凌霄漢。孤根結澗湫。濤如奔萬馬。蔭可蔽千牛。雨露深前代。煙霜老故邱。斯材不梁棟。匠石總堪羞。

志大言大不知先生自命何等

黃吾三

老去

老去情懷強自寬。村翁猶解重儒冠。五千文字撐腸腹。

梅隱詩鈔

卷三

三

博得闌干苜蓿盤。

從簡兮章翻出彼自警而實自嘲。此自寬而實自悼。

宋棠

向暖

風雨浹旬寒氣饒。日車咸喜碾今朝。如何鬢畔皚皚雪。曝向南榮不肯銷。

作癡語愈苦愈妙

夏松友

棄婦辭

妾本小家女。蒙君眷佳姻。委軀事君子。明訓常自循。上

堂奉尊嫜。下堂理嘉賓。免絲松柏。何敢憚艱辛。長風揚海波。大小口。猜猜始知卑。陋質中饋非所任。辭君從此歸。匹馬曳雙輪。著我入門衣。登車謝家人。託音語。故夫玉體長自珍。

哀音悼意惻惻感人先生詩譬之琴有商調自成一

格陸源

乙卯元夜

火樹燈樓爛若銀。滿城人樂歲華新。傷心此夜干戈地。處處蓬蒿閃鬼燐。

梅隱詩鈔

卷三

十四

南軒小飲書懷

甚矣吾衰也。蕭蕭鬢雜絲。席門迴長者。布褐老明時。芍藥紅翻砌。芙蓉綠冒池。餘生拚醪酌。對景輒傾卮。

骯髒到十分矣筆意自爾高雅借酒以消磨歲時韓

昌黎所以悲醉鄉之徒不遇也

宋棠

歲暮贈夏五松友

歲云暮兮羣物如何。寒氣麋至。良辰驚過。風勁振野。冰堅壓河。孤蓬卷根。萬葉辭柯。維蘭與蕙。生在邱阿。含華隱耀。會待陽和。

鍊句取新而工但不許篠驂札闕者藉口 姪蘭舟

答宋三笠

兩三間屋小谿邊。避俗年來得靜便。老樹臥波把竿釣。壞檐滲雨徙牀眠。空留丹管堪呵壁。行買黃牛學種田。深謝故人相慰勉。芥舟那敢涉危川。

霜天曉角觸耳淒其 宋梁

寄梅原

抱劍遊南北於君契獨深。鴛湖逢小阮話舊一霑襟。聞說思余久渡江。將見尋伯牙琴好在拂拭待知音。

梅隱詩鈔

卷三

十五

一氣折旋神到之作 宋齊雲

書劍南詩鈔後

遭時不遇老風塵。高孝光寧備歷身。鐵馬渡河公素願。可憐末路作詩人。

嘆響風雲悶荒天地謂詠放翁可謂自詠亦可 吾

邑鮮達人地氣使然也然工舉子業者一掇科第

以去先生自天文地理以及古今治亂興亡之故無

不研究根柢豐於學而奮於遇輒爲之歎歎不能已

宋棠

詠史詩鈔總評

李嶧山曰觥觥嶽嶽尙論恣千秋直道炳三代上虞小  
邑不意有此異才

宋齊雲曰持三寸管衡量今古是非朗作列眉成敗瞭  
如指掌先生抱開濟才卽此可覘其底蘊

王循陔曰一副經史腸一雙古今眼俗子尋行數墨豈  
解世間有廢書而嘆一種人

姚炳侯曰議論如賈生文章如左氏見鱗爪可想雲中  
龍也暮雲春樹天各一方後生小子未獲撰杖履以請

詠史詩鈔總評

益惜哉

宋笠岬曰正襟而談如君子高居廊廟動成法言恨終  
欠風韻此其才則然亦其體則然也要推一代大手筆  
王小籛曰巍巍堂堂如遊京洛滔滔滾滾如航河海惟  
學有本源也

俞半農曰指世陳政斐然成章摘其名言俱堪書帶乃  
知東南之美非徒會稽之竹箭

黃吾三曰其議論也氣雄於海其判斷也筆重如山卓

識偉才獨出冠時佩服佩服

錢蓉塘曰詩自三百而後由漢魏以迄元明任自標新  
領異終跳不出些箇圈子先生以史漢之格局運李杜  
之才華真能自成一家言者必傳無疑

陳書玉曰以行文之法成詩其製局變化幾如垂天之  
雲自古及今無一幅相似雖太沖明遠復生當讓先生  
出一頭地何論潘陸以下

詠史詩鈔總評

二



梅隱詠史詩鈔上卷

上虞車林雲表

唐虞五臣

歲晏羣動息寒飈起荒榛淒淒窮巷士懷抱鬱未伸流  
 覽前代史喟焉感余心余心感不絕聊託之謳吟是詠史緣  
 起中天大蛟縈洪水溢乾坤九重咨警切旋得敷上人  
 大禹乘四載啟生不遇存掘地注諸海元圭功告成乃  
 命棄播穀乃命契敘倫益也司朕虞臯也掌朕刑萬邦  
 以豐樂百姓以和親物瑞威鳳至天瑞慶雲興疊排入句整鍊  
 梅隱詠史詩鈔  
 上卷  
 一  
 莊聖賢既生世造物辭苦辛果哉巢許輩高蹈遺斯民  
 絕大胸襟  
 絕頂議論

偃仰斗室上下古今男兒生不遇時正自有事業在  
 也冠五臣於簡端千秋華袞 宋齊雲

起是總冒體裁可當一則小序讀中分敘清晰後反

託精警 受業宋棠

伊周輔太甲成王

繼世庸才多受遺要良弼湯孫覆典刑迪屢變未克予  
 弗狎弗順桐宮令宅恤竟以是悔過惠民率祖德邦永

孚于休實惟阿衡力寶龜告有艱西土幾杌隍大雷電  
以風孺子執書泣破斧歸自東洛中定新邑煌煌官禮  
垂萬禩奉爲則分段發揮詩書之氣鬱鬱芊芊此義知者誰後推漢昭  
烈託孤諸葛君安攘慮無失惜哉五丈原大星殞飄忽  
儒者之言可寶萬世末了帶論蜀事浣花叟之淚滿  
襟玉溪生之恨有餘同此感喟 宋笠峴

### 商太史爭立微子

紂同母三人微子齒第一何物太史氏謬爲嫡庶說先  
後發揮禮無妾而妻紂之母固妾辨明是妾以下爲妾也  
便勢如破竹

### 梅隱詠史詩鈔

#### 上卷

二

子者皆庶皆非嫡透絕爽絕古者於儲貳無嫡則庶立庶鈞  
賢是推賢鈞長是擇微子賢且長繼序孰能易援經據古斷筆  
如六七神后中可增置一席足一層論事况大寶曰位  
非賢任弗克聖人有權焉并不嫡長執文傳仲子發肇  
造不丕業堯授匹夫舜莫名蕩蕩德此段扼重賢字見得微子非長亦當  
立紂卽爲嫡爲長亦斷豎儒敗乃公萬姓付殘賊元鳥  
不可立也竿頭更進掉轉作收  
降生商哀哉不祀忽無窮慨嘆

呂東萊有言文字須一段好如一段此篇得之凡起

初迫切後反寬懈或始終只一意無進步語皆謂之

沒結煞 錢蓉塘

曹沫劫齊桓公求地

曹沫劫齊桓。求戰所失地。桓方釣天下。因以沫為餌。妙

余謂柯之會。先君好是繼。禮舉阻以兵。義合邀以利。叛

盟豈云信。怒敵尤非智。登勘四層理精而文。魯於是役

也。取不償所棄。橫插議論。文法變動。定公會頗咎齊以萊俘戲。有

司執斬之。門出首足異。又從會上尋出證佐來。兇神血

尚濡一夫手。劍至失氣。旗鼓間逞志。樽俎際。打入本

使管仲相桓。早行宣父事。沫身且不免。求地謀奚濟。借

梅隱詠史詩鈔 上卷

三

定主筆下有 風雲雷電

史遷入沫刺客傳為荆軻惜耳。其實軻劫秦政固失

沫劫齊桓亦未為得也。文勢奔騰控御若捕龍蛇。受

業宋梁

衛文公許穆夫人

衛宣姜昭伯。麀聚瀆彝倫。所生若文公。暨許穆夫人。忼

慨賦載馳。塞淵致中興。君看麟與象。上稟星斗精。麟或

產牛腹。象或孕豕身。體泉之出也。孰能探其源。芝草之

萌也。誰與植其根。整整四喻天道不可測。世類未足論。儒者理到

言之

以不解解之諒為解人當如是耳其追琢則玉人之

玉其組織則錦人之錦 宋笠咩

文家最忌合掌此篇喻意多與下蔡邕篇相類但彼

以喻意到底此以正意作收仍極參錯變化之妙 宋

崇

### 趙盾

趙盾弑君案後儒以為疑 宋儒疑盾不討賊即加以宋

昭公被弑宣子固請師趙穿攻桃園內賊反弗治 豈有討賊

梅隱詠史詩鈔

上卷

四

急於外而舍嫡外求君未聞顧命詞 盾違棄君命觀主

臣抱嫌隙行路人皆知立靈公非盾意即公 猛犬喉能

免老牛殺敢尸毒手特假彼甘心良在茲 公不殺盾盾

以排偶愈整鍊愈橫烈董狐不鐘鼓奮筆誅伐之曰趙

盾弑君大惡受奚辭 千秋鐵案專諸刺王僚試問使者

誰曹髦斃車中司馬豈自為 又疊證以曉後儒讀者息

勢未已也

按左兼不越境言且引夫子為法受惡之說穀梁以

入諫不聽出亡不遠俱為盾罪紛紛饒舌無有是處

只拿定不討賊三字盡情勘透乃知董狐書趙盾弑君者實爲千秋鐵案後儒可無疑矣有成竹於胸中故蛻尾拔地而起至鍊句警刻是先生之獨擅長

梁

### 秦任好諡

姬公制諡典哀貶各有屬如何秦任好互傳繆與穆皮日休有言諡當定以繆棄置重耳仁立昏亂晉國秦人諡秦君事豈取他族一舉打倒一舉納女與懷嬴出師違蹇叔良士三子殲賢臣百里戮諡繆以此定九原得瞑日認定紅心

梅隱詠史詩鈔

上卷

五

豈但箭奚去虜入秦智非所不足耄老邁凶殘斯事予則惑竹外一枝斜更好

繆亦美諡觀魯繆關壯繆可見任好秦之賢君夫子刪書且錄其誓胡鈎縷抉摘之苛俞半農

### 伍子胥覆楚申包胥存楚

子胥痛父兄見害無道君入郢鞭其墓戴天恨始伸寫

胥出厥友申包胥哀哀哭秦廷萬馬度關隴吳師棄甲

奔寫包胥春秋楚最雄蠶食周子孫攘地數千里偕王

亥自尊齊桓伐召陵僅博屈完盟晉稱累葉霸亦莫能

與爭乃覆之則覆而存之則存直若反手易奇哉此兩  
人從楚攄議寫子胥包胥分外出色兩人事固殊兩人義適均覆楚者  
孝子存楚者忠臣趁勢斷結筆力嶄然

對起對收最精整文字其得力尤在中權極寫楚之  
橫正極寫覆楚存楚之異無此不精神不波瀾受業

陸源

魯仲連射書聊城

東海魯仲連。僉稱天下士。聊城攻未下。飛弩遺片紙。我  
不殺。燕將燕將由我死。句練而古異哉屠我民。豈亦能坐視。

梅隱詠史詩鈔

上卷

六

一先。瀧非所郵。忍人寔足恃。折二當其射書時詎未見及  
此三。曷不早約言。折四死爭猶晚矣五。奈何復默默。貽難  
於桑梓。觸目肝腦塗。得毋頹有泚。折到正面直逼入卓  
識有昌黎。斥爲黃鷄鶩。與起句山鳴谷應

如入螺房一層緊一層其著力處全在數虛字上另

一種曲折清勁之筆陸源

齊王建亡國

建立四十年。不被強秦兵。秦乃虎狼國。置齊豈其情。韓

魏爲蔽障。使不得東征。建不助韓魏。委之獨當秦。韓魏

力不支。爲秦所兼。并齊失韓。魏蔽復何恃。以存。指陳情勢  
當王翦下楚。用六十萬人。假令掃境內。乘間向咸京。以  
吾久安。衆攻彼空。虛城勢如風捲。擗一舉堪盪平。死中求生  
尙有此機會。出奇制勝。顧猶不出。此坐待宗社傾。松耶柏  
勝。文法與兵法一也。掉轉作收  
耶歌聞者涕霑襟。感慨之極

以格法勝前曲。折勁達後。忽奇論破空而來。如浪之湧。如雷之震。文忌一律。故另換一種筆仗。令讀者改觀。左史往往如此。其議論之佳。乃有目共覩者。宋棠

秦始皇會稽刻石

梅隱詠史詩鈔 上卷

始皇巡會稽。刻石詞諄諄。寄猷殺無罪。男女當絜誠。逃  
嫁子不母。倍死婦非貞。奈何唐宋世。妓分官與營。編著  
爲甲令。褻天汨生民。理精語簡何處著上非無哲。后下  
非無賢。臣嗚呼。厲俗意反。不如暴秦。低徊唱嘆無限神  
龍顧主法

儒者之言關係風教。直懸諸日月而不刊。宋齊雲

呂后殺韓信

萬古一兵仙。乃爲漢逐鹿。陡起驚人幾莫測其意旨所在后不念彭城。  
被楚受窘辱。歸得位中宮。忍於赤人族。憤身死肉未寒

呂氏駢頸戮

撒手一霹靂

筆之勁如強弓氣之怒可蝕月

宋笠峴

韓信彭越張良

兒女遭多難。棄之等蒿蓬。杯羹幸分我。語直禽獸同。骨肉猶如此。君臣焉得終。韓彭絕不悟。至竟非英雄。甘心效走狗。馳逐隨乃公。中原狐兔盡。三族煙塵空。先斷後敘留侯張子房。好女爭姿容。出為帝者師。借箸腕生風。鴻門脫隆準。烏江殞重瞳。九鼎鎮西都。四皓蕃東宮。肇允契黃石。晚遊追赤松。如朱霞。天半如白鶴。雲中純敘事不

梅隱詠史詩鈔

上卷

八

更贅一斷語高絕

取材本傳冰凍成花鐵鏽作采玉溪生好句豈必從

懶祭來 宋笠峴

仿孟子逢蒙章法不必聯絡而呼吸自應其選詞鍊句亦如朱霞天半白鶴雲中六朝金粉何足道 宋棠

七國反景帝用袁盎言誅鼂錯

七國盜弄兵。非朝伊夕事。吳淩蓄亡命。圖之卅餘載。淮楚諸藩王。十年沐洗廢。意不在誅錯。釁不在削地。斷筆老

錯憂宗鎮強。爰建弱枝議。竭心為劉氏。多怨不敢避。寬

疏袁盎故吳相。變生懼獲戾。陷人幸自脫。遑顧國大計。  
鏡妖殺吠犬。謝堯咄哉孝景帝。

刻削陰鷲益錯乃一類人故史公扯冤家合傳適諸  
侯之舉錯自是為漢景帝既受盎欺誅之矣而吳兵  
不罷何以不并誅盎然盎不死於吳卒死於梁天也

吁可畏哉 宋梁

七國鼂錯袁盎景帝分之為四段合之為一篇另一

翻新花樣 宋棠

漢武帝求仙

梅隱詠史詩鈔

上卷

九

崑邱宴王母。復野期茫茫。探花東入海。卅女沉扶桑。繼  
傾軛者誰。漢室秋風郎。妻子脫矚視。登天慕軒皇。於時  
怪迂士。貢媚爭獻方。神物好樓居。築臺通昊蒼。蓬萊若  
可即。使者道相望。祈禱名山川。乘輿徧四荒。射牛封泰  
岱。祠上夜吐光。寶鼎出汾陰。芝生甘泉房。天其發瑞應。  
俾爾壽而臧。欲寫敗興先寫高興槩括龍華劍妖起雲  
晦。前星芒殺妃堯母。門末路情堪傷。巨棗大如瓜。幾曾  
得一嘗。蕭蕭茂陵樹。轉盼森成行。崢泓蕭瑟如行山陰  
鷓地。下都會大人。間羈旅忙。醴醅足。洪荒盤吞死。此例

竟爲常雄雞一聲  
天下白

寫求仙之妄前花豔火熱後月冷風淒文家最重鬪  
色此眞鬪得異樣色者中插虛筆作一停頓令文氣  
鬆動若一直寫去便是甲乙帳矣周秦陪起盤古斷  
結論有歸宿文亦有首尾 宋榮

### 魏相成趙充國之功

大將能成功必由宰執馬開充國討叛羌行軍策萬  
全羌難以兵碎自守宜所先罷步騎萬人留屯浩亶田  
內以省大費外以困先零區區罕并利爭者辛武賢璽

梅隱詠史詩鈔

上卷

十

書方趣戰此際誰回天欲擒先縱以事之波瀾魏相任其計

踰年振旅還卒斬非玉首漢威揚九邊跌轉正面太息

宋南渡英雄劉岳韓賊檜不協謀中興事可憐對宋事

仰感喟情  
文並絕

充國屯田持爲不可動之計其事與周亞夫堅壁同  
然充國尤難蓋七國事急羌兵則諸將所輕又充國  
自薦非亞夫乃景帝所屬者比嗚呼不有魏相何以  
能成功哉其段落句法正若巧匠運斤難指其稍拙

處宋梁

西漢節義之盛

西京失其御盜賊稱天王衽莽公虛名慕下士徵聘何披昌龔勝絕粒斃許楊變名亡李業啖鳩毒王嘉棲劍銛衣焚郭子橫錢贖譙君黃遊山禽慶屐泛海逢萌航費貽恐被汚漆身為佯狂任永懼見窘別目作青盲當葉對另一高風灑漢季士氣殊激昂如何千載下嘖嘖當種筆墨

一嚴光

奇峯從天外飛來

類叙十人殊苦糾紛用整筆方鍊凡五換句法整中有變不板板到底首尾以散行配之謀篇盡善宋棠

梅隱詠史詩鈔

上卷

十一

蔡邕

董卓徵伯喈以其負才名三日歷三臺受恩旋殺身叙籀雉之羈以采松之蕤以明麝死以臍美龜亡以殼靈翠以羽招網蚌以珠就烹鼈以皮見取犀以角成擒整八諭文邈矣東園鳳黃帝遐哉西藪麟周成生也當盛世出也應聖人以反喻結絕不露正意妙

物禍以美人禍以才其理一也叙案後只泛論物理絕不及中郎一字而言外之意味無窮王小篋

此之謂倒海探珠傾崑取玉矣以鳳麟結前路陰慘

之氣忽化爲祥烟瑞靄郁郁霏霏豈非異常色澤文字  
宋笠咄

名警可作異書讀從起手一以字連生出八以字結  
用兩也字配之仿左氏子同生傳法所謂筆墨之奇  
亦有一時氣類者宋棠

袁紹殺臧洪陳容

孟德圍雍邱。子源泣請師。四世五公人。末路竟逆施。擁  
兵據河北。睦曹與張睽。英雄不背本。抗節建旌旗。力窮  
雖掘鼠。士卒無叛離。偉哉陳郡丞。仁義良自持。正容斥

梅隱詠史詩鈔

上卷

十一

奸譎同死甘如飴。極一日殺二烈舉軍爲齋。咨何須官  
渡戰始決。雄與雌。斷結本初日光如炬

叙事狀情生氣勃勃。二烈士英魂定應在天悵。錢

蓉塘

蜀先主規取劉璋

漢興四百年。天厭火井熱。宦豎盜弄權。衣冠日流血。養  
癰勢必潰。元姦乃投隙。當塗千里草。繼踵恣吞齧。劉焉  
何爲者。炎棟崩不卹。反感董扶詞。兼從相者說。巢穴益  
州據。昏媾吳氏結。乘輿遽剽造。寶鼎儼窺竊。名則漢宗

藩寶則漢國賊勝一列罪狀刀斧齊下中山靖王孫崛起

上無尺左龍右鳳雜規取其孽息奄有西南疆出師震

羣逆赤符賴復支赫赫王者烈鋪張揚厲爲先

暴劉焉據益之罪嚴一字於谷鉞揚先主取蜀之功

榮千秋之華袞宋笠咍

### 陳平諸葛亮

吾儒出與處本自無區辨苟儲利濟才隨遇皆可見詔  
陳平少好學不視家生產宰天下如肉父老稱其善諸  
葛臥南陽草廬自淹蹇先生顧訪之三分定佐漢荆岫

### 梅隱詠史詩鈔

#### 上卷

十三

玉蘊石精光外必顯豐城劍埋獄寶氣上必現喻語硬

正襟而談可以警庸妄可以策賢智凡史事經先生

手口莫不有一番名論一段至理真當代有數奇才

宋齊雲

### 蕭何曹參樊噲灌嬰諸葛亮衛青李廣

時會難易判命途通塞殊劃然長嘯十七史贏秦昔云

季大澤狐夜呼真人奮芒碭遂乘赤伏符蕭曹刀筆吏

噲等狗是屠歟起扶輿運英風暢八區此時會之孔明

王佐才流馬走糧芻奇謀非不長天意屬當塗祁山六

出師未捷身先死。可憐復漢心。空與日月俱。此時會之難爲之

鄭季有孽子。少爲牧羊奴。免笞願已足。貴乃詫鉗徒。由

姊子夫進統兵。北擊胡擢拜大將軍。封侯到藐孤。此命途之

通爲隴西老飛將。猿臂雄萬夫。弄矢石飲鏃。射雕生就

俘。白頭數竟竒。不得當單于。到身絕域表。終古爲歛歔。

此命途之塞爲之。

是四人合傳語云。才如散錢。恨無索子。得起二句爲

索子。而四傳遂歸一串矣。分段寫來。慷慨有燕趙聲

蒼莽爲風雲氣。陸源

梅隱詠史詩鈔 上卷 十四

宋明帝宋太宗曹丕

虞愿哭湘宮。下殿乃馳曳。姚坦見血山。假山忽毀棄。畜

君言則同聽者。大殊致二宋之廢興。底須證他事。深識

曹丕射雉樂。毗謂苦樂異。雖未盡能從。遊畋簡於既誠。

不及太宗猶賢於明帝。借太宗明帝斷定曹丕不即

化三平爲兩頭。一脚煞脚處。又分應兩頭。章法錯綜

極矣。其議論之高直。驚走眉山父子。宋棠

劉曄夏侯勝李及

坦懷蠻貊信飾情骨肉疑。滌人機心理。劉曄任術數。旋爲

時主窺。反問得其實。身死名亦虧。頂門君看夏侯勝。樸  
訥劣言辭。時呼上爲君。宣帝益親之。神宗問麥價。李及  
對不知。尋取其忠信。擢按察使司。對面冷刺言有  
盡而意無窮

觀君子落得爲君子。則小人之枉做小人也。益明以  
君看二字指點之。正動以珠玉在前之愧。夏松友

### 諸葛靚

北軍破江陵。順流趨建業。諸葛靚戰敗。奉身遂自逸。叙  
死。難靚。不如張悌。吳亡能殉節。猶賢於薛瑩。恬爲  
是抑。晉臣妾。隄固辭拜侍中。見以廁上逼。坐不向朝廷。没身

### 梅隱詠史詩鈔

#### 上卷

十五

如一日。叙不仕君。子悲其心。終有王褒感。溢非  
是揚。

叙事前抑後揚。中以議論作過渡。文法又出一奇引

王褒斷結亦與張悌薛瑩照耀成景。宋棠

### 稽紹仕晉

稽康淡蕩人。不得天。年終彈琴視日影。涕淚千古同。枯

最不平之事。莫如稽昌。一  
案寫來。淒艷有餘神。延祖臣司馬。累官至侍中。竭心

一闈夫。北伐相追從。乘輿蕩陰蹶。身捍矢石鋒。碧血汚

龍袞。夫誰曰不忠。此虛褒實議法。如同時。王偉元痛父  
繼如掄。半吞半吐。

罹殘凶。哀號攀墓柏。没世恨無窮。另寫一孝子作結。正  
爲延祖嘆也。并不露

一毫風  
色妙

月影花香另成一種境界大抵不說明白是詩家妙  
訣使人思而得之不一覽盡之弟芸圃

李林甫潘岳

不悟役夫况死不保其躬不聽知足語生以沉其宗  
舉維彼弄璋相焉知冥豫凶安仁冠世才少小稱奇童  
胡爲戀榮寵不克閒居終賈后害愍懷構書惟乃功鞅  
叵識成金谷詩石友歸與同貽累太夫人老櫻白刃鋒  
臨刑呼負母悔恨何能窮無恨

梅隱詠史詩鈔

上卷

十六

先斷後叙倒用司農印自古何有印板文字耶將林  
甫一筆掃過詳寫潘岳復錯綜入妙宋棠

曹植劉義康

既害我任城東阿勿復爾傷哉卞后言千古爲流涕宋  
司徒義康專恣失臣禮乃兄浸不平賜盡安城邸植也  
才不羈招讒良有以顛沛靡定居上書痛責已猶希皇  
照微誼復全昆弟哀音四戀義康一庸夫支骨恩過恃  
能因慧琳言追悼謝述死覽史見淮王咨嗟古有此至說

此林石下淚奈何兩文帝哀不念鞠子小忿廢懿親  
陳情表詎寬疏

忽焉國不祀。

魏文於植始終俱薄者也宋文於義康始厚而終薄

者也為植義康表白似哭似歌招魂欲起末推出魏

宋享國之不長自是篤論

宋梁

檀道濟

減竈示不足增竈示有餘善於用兵者莫窺實與虛

魏道濟北伐魏軍聲雷電如滑臺三十戰絡繹馳捷書

厥後糧被燒量沙籌夜呼以餘覆其上振旅還國都此

其應變畧奚讓古人乎

俯一筆之致前極異哉

宋文帝志擬

梅隱詠史詩鈔

上卷

十七

封狼胥治裝涉遠道先殺千里駒

序議以喻語出之論宕可喜

道濟有將才在宋可謂方虎文帝無故疑而殺之乃

壞汝萬里長城結語含多少嗟嘆

宋梁

李斯張華陸機陸雲謝靈運

李斯多機辯身死五刑俱牽犬出東門復何可得與茂

先學最博土崩識海鳧竟忘天象變舉族就灰屠

二陸

雲間士才名冠南吳長離凌江翔鶴唳華亭孤

隼織何

如齊府掾飽啖蓴與鱸

隔岸越山異常秀動

謝家秘書監林壑好

遊娛構患來太守一朝及禍樞何如彭澤令解綬歸閑

居

兩兩對照  
天造地設

平列四段無首無尾仿史記劉敬叔孫通合傳格引  
季鷹元亮作題後反襯之筆態方濃氣方足不特文  
忌一律也是全篇出色處 宋棠

范曄

馬卿心挑琴。王戎核鑽李。班固依竇憲。婬嬰喪廉恥。杜  
篤遊美陽。請求恣貪鄙。識不能匡欲。文人同一軌。斷制有識  
咄哉范蔚宗。珠翠飾羣妓。阿母居止陋。寘薪一厨耳。布  
衣季父單。侄亦冬無被。官居詹事府。寵榮亦至矣。孔熙

梅隱詠史詩鈔

上卷

十八

先作賊。邪說乃徇彼。孤負時王恩。駢肩斬都市。臚陳罪狀字字  
爰胸藏萬卷書。手定一代史。行檢掃地然。令人嘅不止。  
收筆振拔  
面警動

單說蔚宗殊苦寥寂添入首段引許多故實增許多  
排場正叙處微帶議論令文氣生動將其才嘆惜一  
番作掉尾能振起通體精神惟前文善留故轉令後  
文出色耳製局最勝 李嶧山

梅隱詠史詩鈔卅卷

上虞車林雲表

高允不負翟黑子

春秋諱定哀本朝必歸美崔浩良史才奈何昧斯旨從

浩起如花木之過枝同撰者高允法當連坐死東宮為指導欲丐

其生耳臣書多於浩激怒帝如此屢問不易詞恐負翟

黑子片言陵險踐其他可知矣贊得深至拓跋夷狄邦有臣

尚能爾極感慨極含蓄

點竄本傳詞旨樸烈收筆盪入無際是先生平日胸

梅隱詠史詩鈔

卅卷

一

中一段磊塊處不望世人讀而知之陸源

魏晉宋齊梁陳

阿瞞睨炎鼎三馬涎已垂長道遵前式當塗揖讓隳冷

仲達城府深陰謀開晉基南風吼妖牝骨肉自屠夷妙

寄奴興草澤典午種無遺禍萌佳射棚舉族為鯨鯢警切

西昌大行戮香火涕漣洏先代斲宋室好還理若茲快透

樊城有王氣齊祚遂以移勞人囊土報費我生金施刻毒

霸先將篡梁所忌輒誅之掘陵火其骨僧辯猶有兒憤烈

奸雄末運多吞剝如相師賊人適自賊讀史為嗟咨

事多者文必簡。即以不變爲章法。亦何不可。然段段  
啣接。用筆自爾錯綜。點鬼簿走且僵矣。結總贊萬派  
飛流都歸一壑。宋棠

蘇威以孝經立身

讀書學何事。大者惟彛倫。女不更二夫。臣不事二君。天

地義炳如日星。蘇威世仕周。罔念國恩深。大司馬受禪。起就宮

保徵。宇文害煬帝。甬又馬前崩。又降瓦岡盜。謂復見聖

明。俄而又降鄭。舞蹈於其庭。俄而又降唐。力疾爭先迎。

盡情出他醜全後來長樂。老奉此爲典。典型世修降表馮

梅隱詠史詩鈔

下卷

二

咄咄述遺訓。立身以考經。千秋笑齒

嘲笑文章不意嚴峻至此。讀之有雷霆鐘鼓之聲。王

小錢

馬周奏議

常何薦馬周。深契太宗心。今觀所敷奏。不愧古名臣。臨

嗟慕無限神情。早年負奇氣。流落未知名。屢被官長侮。久爲鄉

里輕。新豐逆族舍呼酒。斗八升。醉騎羸馬去。慷慨上咸

京。能寫出英雄失路時氣。概遂蒙英主盼。風抱歎焉伸。縱談當世務。

粲若指上紋。擢拜侍御史。遷中書舍人。鳶肩火其色。贊

眼霄漢騰寫流落便極流落寫發達便極發達貴賤雲泥不勝三嘆繪圖遣使者住

宅購荏平衆猶竊笑之道是窮書生又得此閒事作餘波如往而復文法

動。寸。鮒。游。智。井。焉。知。橫。海。鱗。蛟。螟。屯。蚊。睫。詎。識。彌。天。鵬

蒼喻結磊磊落落不可一世此爲後勁

痛訶俗眼傷心人別有懷抱其段落自爲提結又遞

相聯絡如無數峯巒迴環起伏自有一片靈氣往來

其中史漢多用此等筆陸源

因奏議而并及一生遭遇足爲貧賤受阨才人揚眉

吐氣先生殆借以自遣耶宋梁

梅隱詠史詩鈔 下卷 三

荀晞曲端劉昌李勣

荀晞誅從弟。兗州士屏氣素衣哭之哀。聊市已恩誼。假

一人行法作威。乃本意鐵筆南宋曲平甫涇原爲統制

斬叔祭以文其事與晞類搭得妙省多劉昌屯寧陵李

勣擊高麗寧陵高麗與上兗州涇原相照耀張俊昌孤甥奉令守埤堦

未嘗稍有違。猝下頭墮地。勣給婿杜郎將爲勲賞計。隱

衷婿早窺亡入岐陽避甥字婿字與上弟吾傷劉甥寬

吾幸李婿智字叔字相照耀

於盜賊乎何誅傷甥寬幸婿智是史家眼力高處苟

曲二將軍事其失在用不在殺蓋用之而不効殺之  
賊恩弗殺廢法不如弗用之愈也宋梁

凡此類者作法非必一人還他一段如泥塑神佛逐  
尊逐位排列兩旁絕無生氣也前遞寫搭寫後對寫  
間寫極用筆之變化宋棠

唐武氏之禍由太宗

履霜。堅冰。至天。人理。本一引經說又文皇撥亂主美政

榮史籍。才人選武氏。母乃傷盛德。太息永徽後。朝樞付

虺蜴。肉視唐子孫。神堯祚垂絕。向非狄張徒。踵奮股肱。

梅隱詠史詩鈔 下卷 四

力。帝子在房州。曷由見天日。下可直接雖奴句矣却揮

雲斷嶺法涓涓流。不堙熒熒火。不滅能潰千丈隄。能燔

左氏長技。涓涓流。不堙熒熒火。不滅能潰千丈隄。能燔

百尋室。反覆曉譬峭拔警雖然雉奴懦。若箇詒伊戚。閉

妙府獄太宗所傲微而輕始錯鑄六州鐵結到正旨通

以推本禍始也篤論危言千秋永鑑可置之座右以當瞽人夜誦之

音其製局亦精雄整潔無一字靡一字費宋梁

趙充國不擊罕罕王忠嗣不攻石堡

罕罕不必擊石堡當舍旃於時喜功士絕幕思控弦至

尊爲所惑。兩將持愈堅。諫不愛子入。說不信將牽。論者

謂忠嗣。猶遜充國焉。以其勉出軍。不若爭前。言范祖禹

俱有充國爭前。言中恃魏相賢忠嗣。勉出軍內憂林甫

奸。扶情知人必論世。是詠史本領執一胡爲然。白起杜郵事

秦民終古憐。得此引証義更顯然

爲充國易爲忠嗣。難掃前人之成說。抉兩將之隱衷。

論世尚友吾服先生巨眼。宋梁

### 趙普獻策破滁州

條侯擒吳淠。漢王燈項籍。一如趙涉謀。一如董公說。古

梅隱詠史詩鈔 下卷 五

紆南唐師十萬。阻固滁州阨。宋祖抵清流。大爲所挫折。

威名與兵力。自審皆非敵。來朝再出戰。勢且遺靡子。聞

有村學究。素能判曲直。微服往訪之。果然獲勝策。不說明下

便寫出此種伸縮筆月明夜寂寥。山僻人斷絕。金戈鐵

法龍門後吾亦罕見綴此幽涼我士銜。枚走彼軍解甲息。潛浮西澗至。徑奪

東門入。上將縛面來。名城唾手得。壽陽援既孤。淮甸藩

都撤。遂納三吳貢。聿開兩宋業。逐句遞下如月吐層雲

何代無奇才。遺之在草澤。不惟齊郭外。牛角扣寧戚。收

排中忽宕方不失之板實

選材本傳俱組練錯繡甚爲精彩正不必倒海探珠  
傾窻取玉前後繚繞襯托仿龍門伯夷傳法 宋笠嘏  
疊用排調行行列列整整齊齊寫太祖破滁州不啻  
繪圖而觀矣以趙涉董公引起忽篇尾又引十甯戚  
萬慮縱橫其來無端正自索辭人不得 弟芸圃

宋太祖得國非正

漢執秦子嬰明驅元順帝唐覆隋煬皇是皆湯武事 起  
如海外三山縹渺無際 余按武昭儀后妃骨可醉抱蔓黃臺歸僞

周宗廟制朱温盜餘孽丕乃敢篡弒野狐御座升子婦

梅隱詠史詩鈔

下卷

遞入侍使時有英雄靖亂主神器名正而言順夫誰曰  
不義 到此奇峯怪石劈面相迎 惜哉宋太祖未獲逢其世 千里來龍大結穴

一路雲翻波湧注到宋祖如江落瞿塘目不及瞬真

飛行絕迹之技 宋笠嘏

透寫賓位到主位只用一點簡徑隱躍自令讀者會

意此種神妙育左後吾見亦罕文章如面史才最難

信哉 宋棠

呂夷簡贊仁宗廢郭后

爭攘兒女常此事云未覩新人美如玉故劍埋塵土金

螭一零落。翟無完羽。春草掩長門。淒涼泣陰雨。綴景難堪

絕似唐人官怨余觀古盛時。夫婦道不苦。人紀當肇修。况為倫

物主。翠瀉降英皇。薰紘御牀鼓。河洲文鳥鳴。窈窕哀淑

女。稱引詩書態濃局。做此文家觀染法。奈何吕相公。衮龍闕不補。認懷左

降嫌。出母贊阿父。

每於忠孝英雄之事。寫得激昂慷慨。此係兒女事。便

還他一種綺閣風情。繡譜物色。文人筆端有造化。信

夫宋笠叻

責仁宗其詞婉責夷簡其詞直。婉者使人神傷。直者

梅隱詠史詩鈔

下卷

七

使人氣絕妙。以引古問之。便覺波瀾跌宕。姿態橫生。

陸源

黃巢亂唐張元擾宋

天生桀。驚才譬諸獸。有犖餓之於山林。焉得不橫噬。陸

喻語君看唐黃巢。累舉艱一第。鼓忿起關中。乘輿遠奔

警絕宋不用張元。去為西夏帥。抗命三十年。

黃巢一第唐末之禍熄矣以張元才韓安撫棄。嗟爾秉鈞人。秉鈞事

官軍屢撓敗。乏資敵誠失策也。嗟爾秉鈞人。秉鈞事

不易。一夫不得所帶甲。滿天地。大聲疾呼。處堂燕雀。驚覺否。

賈誼之過秦。以諷漢也。陸機之辨亡。以警晉也。宋梁

姚崇王曾

姚崇傾張說。王曾去丁謂。假疾假皇陵。均之用術智。吾於崇有憾。於曾則無議。一以為已謀。一以為國計。

胸中涇渭。舌底陽秋。此係小文字。英風梗概。亦自沛。

然行間。宋笠舛

王旦蔡京

巨薦寇準才。惟期補國事。仇讐可同升。毀訾奚足計。京詆蔡卞邪。惟恐妨已位。洞見肺腑父子能異居。兄弟豈不忌。

妙有實證

梅隱詠史詩鈔

下卷

八

簡而透寸鐵。殺人兩比中。句句對并字。字字對是時。下

制藝格。又一新樣。宋棠

張詠治餘杭饑民

垂崖所臨泣。罔不愜人心。前後兩治蜀。蜀人慕至今。以

蜀引起只約畧點過。其移守杭也。按筆時值饑饉。臻民多犯禁監。

一切寬其刑。豈伊弛國典。將杜禍亂萌。推見酒辭羅。

捕藹如仁義。音錢塘十萬戶。自治良艱辛。急之倘生瘼。

無乃貽患深。如欲繩以法。吾惟仁秋成。聞者皆嘆服。或

至涕淚零。良吏苦心。從自家口中。說出極剴切極明透。嗚呼明末世。冠虎太

縱橫峻刑濟苛斂。鼎祚忽焉傾。得此一證令前文愈警透有精神

小舉動發出大文章如膚寸之雲亦能騰霄作異彩

宋齊雲

寇準丁謂司馬光蔡京

公道在人心未嘗一日亡。提挈綱領以下信筆謂之既

入相。平仲賢路妨。平仲南停轡。謂之北辦裝。雷州與匡

州。祇隔一堵墻。司戶差不惡。爾我官相當。蒼頭苦多事

縱之六博場。主人不會客。移具有蒸羊。點染閒事

爭寫貌。懸及屠酤坊。觀者何恩怨。頌寇齒流芳。眼丁拔

梅隱詠史詩鈔 下卷 九

不早。詬詈紛蝟蟻。情事活現極豈但公安竹。民之愛弗

忘。單找寇公一筆如花牛蔡京立黨碑。手書頒四方。安

民石工耳。能識司馬光。乞免鑄已名。雨淚下霑裳。京年

八十一。被譴投炎荒。子孫竄殛盡。草鞠緇衣堂。君不見

天獨樂園至今衡州五千里。極望杳茫茫。中路別愛姬。

賦詩悲自傷。玉殿幾回命相形廷五度宣僕夫子役疲。

飲食市道旁。問知為蔡氏。聚罵聲雷硠。口衆我則寡。排

徊以傍徨。奸雄至此亦復技窮令讀

兩忠兩奸兩兩伴說分為四段合作一傳起手先下

了斷語故兩段中只鋪叙情事而其義自見史家往  
往用此法其委曲細碎却又似唐人小說一派乃先  
生賣奇處 俞半農

丁謂之貪

所以爲貪夫汚名罔攸恤人瘠我斯肥子孫享厚業君  
看丁晉公歛賄靡紀極誰道所歛賄旋爲天府籍兇骨  
拋蠻烟諸兒饑皆歿連雲甲第高賜作新貴宅赫赫幾  
何時身家並灰滅看到結局令貪夫形廢心死 甘瓜抱苦蒂美棗抽  
惡棘似子書中精語 利字旁帶刀貪夫還自賊電轟雷擊無窮垂戎

梅隱詠史詩鈔

下卷

十一

象齒焚身天下皆是放筆爲之慨然 自跋

於是閏三月非禮也用虛字突起馮氏謂左傳中僅  
見於此亦云 宋棠

靖康之難

女直兵六萬宋兵五倍之 據當日勤王之兵言 宗澤外轉戰李綱

內董師果能悉心任何至事難爲 反跌起情勢 惜哉靖

康帝干將柄倒持買和聽浪子忠勇靡所施地輸兩河

盡天降六丁遲金鏡城闕震鐵馬宮門馳青蓋沉胡帳

黃沙仆漢旗中原勢崩剝太祖業離披 是一幅亡國圖畫逐層卸下以

整鍊見論者咎汴京爲無險可依再起波君聞勢不審  
相奸功是隳雖聚九州險豈能一朝支透一層說快劍  
蜀後主昏愚陰平空嶽崎陳後主荒悖天塹亦坦夷旁證

曲引力破餘地與通篇體勢相稱

徽欽北狩特耿南仲輩排沮李綱罷之以謝金人繼  
又不用宗澤所謂天下本無事庸人自擾之耳夾叙  
夾議潑墨十升飲酒百斛無以喻其豪邁宋梁

### 韓世忠江中之戰

嗚呼宋運屯金虜亂皇綱長江限南北飛渡竟爲常先寫

### 梅隱詠史詩鈔

#### 下卷

對面以聳其勢史家敘事提掇類然中流邀擊之乃有韓蘄王夫人親督  
戰桴鼓聲雷碾龍虎跋浪擒萬艘沒奔瀧歸俘乞假道  
膽落紅袍郎還我兩宮語上爭天日光嗣還江以南一  
葦無敢枕高宗再受命半壁安耕桑逐層寫來覺當日軍威義聲岌岌震  
動紙銀燈張秀州鐵騎赴朱方我武揚四海堂堂復堂  
堂却倒戰前事在篇尾作咏嘆嚼啞鏗鏘大聲不絕

極場厲之事極精采之文當日軍威義聲岌岌震動

紙上左氏叙四大戰有此力量陸源

崔湜劉幽求蔡京劉器之張昺倪詹胡詮洪皓

幽求遷嶺表。崔湜苦相圖。明皇俄踐阼。命相金殿趨。器  
之忤蔡京。報國拚微軀。亡何就殺者。嘔血斃路衢。張  
擢提舉。爲加胡詮誣。倪晉效其尤。亦捕洪皓奴。隶也方  
之任。溘然朝露俱。營計猶未行。而身先自殂。二公在  
所。眠食終晏如。縷陳果報一讀一快君子居高明。恒多鬼瞰虞。誰  
如此。皇天有老眼。爲惡胡爲乎。極力提喝終  
用右。要若輦回頭。

人心者至文也 宋齊雲

孝宗貶龔茂良

梅隱詠史詩鈔

下卷

十一

申屠嘉作相。能折鄧通勢。檄名而議誅。漢廷謝遣使。茂  
良宋大臣。光祖敢詬訾。不以威懾之。皇綱直掃地。弄兒  
蔽主聰。由是竟獲戾。荷戈父子俱。死淚灑荒裔。着色畫更覺淒  
涼。唐家天后朝。引用多私嬖。彈章可廣平。猶不六郎庇。  
孝宗爲此舉。豈獨慚文帝。孝宗是主妙在安放中間前後以文帝武后伴說其點文  
帝武后孝宗却併在後段極筆法之變動。茅灘大閱兵。漆杖躬自曳。末節徒  
區區。曷逃俊卿議。議論橫絕人

文帝武后之事。豈堪爲法。然以孝宗較之。則彼善於  
此矣。兩寶夾一主。是綠葉扶花法。其穿插點次。但覺

鱗鬣東西煙雲滿紙吾不免猶龍之嘆 宋梁

張浚三敗

都護張魏公殄寇為已任。識闇量復狹。切中三敗無一

勝。先斷後合兵戰富平地利何悞悞。識宜擇高阜據。晉

卿諫不聽。狹量坐令五路陷。巴蜀為大震。一敗淮西置夜叉。

識闇尋召鄺瓊釁。二敗兩將不相下。握之必爭競。鵬舉料如

神。讜言反見愠。狄量孝宗纂極初。倚以為重鎮。視師江淮

間。河朔皆響應。畧頓住下便是時十宿將。閉棄在邊郡。

若能稍虛已。引與圖戎政尚一。乃心力燕雲其北定。大落

梅隱詠史詩鈔

下卷

十三

墨能於無文字處生文字奈何不自量。專擅外閫柄。量狹祈父爪牙非。

識闇符離大崩逆。三敗自詡心學精。儒名而釋行。僵尸三十

萬安。臥置弗問。因之檜餘孽。邪說譁然進。求和感封疆。

稱侄費詞令。遂隳忠義心。孰雪君父恨。看燒石勒求和幣司馬家兒是

夫嗚呼小朝廷。從此不復振。推論貽禍痛悼無窮

魏公屢誤國事至符離大潰宋偏安之局遂定道學

先生其效可觀矣分寫三段出力尤在後段如河決

下流而東注魚龍風雨助其怒號 宋梁

趙孟頫仕元

滅金報世讐。終受元之侮。江南白雁飛。乾淨無寸土。當時志節士。義不辱蒙古。海險啣木填。天崩鍊石補。柴市完衣帶。匡山覆樓牖。如意雙臺擊。冬青六陵樹。死者騎箕尾。承柴市匡山生者拜杜宇。承雙臺六陵不念九廟灰。甘心作降虜。太息彼何人。王孫趙孟頫。大書特書麟經筆法

以宗室之親而偷生作臣虜。息媯之文夫人也。楊雄之莽大夫也。趙孟頫哉。從文陸諸公寫入一往淋漓。悲壯可泣。可歌。宋梁

多寶陪一主寶。暗寫主明。揭寶順提主。倒煞寶整片。

梅隱詠史詩鈔

下卷

十四

主單行用筆靈變極矣。不辭此法。只是印板文字耳。

宋梁

### 韓林兒之死

明祖立金陵。林兒沉揚子。向來君與臣。只是虛名耳。江中擊義帝。曠代有倫比。迂哉宋儒言。項羽亡以此。

一牧羊匹夫。詎關輕重。果立之能亡秦。殺之能覆楚。則鑿舟之韓林兒。豈明主不北面臣事之者。又何以解焉。理足詞達。直令成敗論人之豎子。有地皮沒躲。

閃處 宋梁

明太祖誅功臣

掘河石人見。元遂失其鹿。太祖仗羣力。赫然坐黃屋。夫  
何春秋高。芒刺紛滿腹。憂及藐諸孤。他時作魚肉。胡藍  
事適會。借以興大獄。既著逆臣傳。又編奸黨錄。相賜文  
種劍。將夷韓信族。青天鳥飛盡。功懋懋屠戮。黠竄書語  
異常奇烈  
死者十萬人。髑髏聚相哭。狠毒處寫得天日  
書冥陰風慘裂 我  
朝起遼海。明社旋以覆。南渡五藩王。俘斬無遺育。

自來雄猜之主。誅戮功臣。越王作之。偏沛公揚其波。  
要未有狠心毒手。如明太祖之甚者也。極不平事自

梅隱詠史詩鈔

下卷

五

應不作常語。一路都帶劍戟甲兵之氣。

宋梁

嚴嵩之奸

欽鴉目為鳳。文采故不差。貪狼據要道。那不張厥牙。喻

起磊磊  
落落

介溪伏處日。海內期之餘。出當瑞一世。姚宋詎

足誇。欽鴉目  
為鳳矣

晚以青詞進。謬蒙上寵嘉。憑籍盜魁柄。炎

威灼四遐。構陷諸諫輔。骨撐亂如麻。高天隻手障。誰敢

汝疵瑕。

貪狼張  
牙矣

昔我袁江過。鈐山巨水涯。東西兩洪東。

東為昌山洪。  
西為鍾山洪。

望望若蓮花。

明哲似  
水經注

尚傳築室處。倚棹與

咨嗟不識忠孝字。讀書何為耶。何限  
神情

一味實說成何結構前以喻語挈總綱後以景語出  
正論乃虛實相參妙法蔚宗後漢書自恨少事外遠  
致此得之矣 陸源

從史記信陵君贊脫來彼就夷門點綴此就鈴山點  
綴俱有一種閒情逸韻流溢於楮墨之外 宋棠

### 思陵亡國

楚嬪餓其身以君腰愛細易牙烹其子以公口嗜味武  
皇思善馬充廐足良驥宣帝卹窮氓治郡多循吏憲宗  
悅供奉鑄進羨餘利康王忘讐恥檜主和好議 奇葩未吐先放

### 梅隱詠史詩鈔

#### 下卷

#### 十六

蒲林綠葉明月未上率下必從譬諸範與器範陂器無  
來早布一天珠斗  
端範端器無陂 又夾喻語能使  
前後板處皆靈吁嗟崇正朝不肖滿高  
位帝自招致之亡國尚誰對

明之亡始靳於賤荒以成賊勢繼不能罄闔宮所有  
以瞻軍終泥國君死社稷之說不肯南遷以圖恢復  
是固然矣然致亡之本則在言莫予違斥念臺石齋  
諸君子而任溫楊唯諾承順之徒也夫唯諾承順之  
徒有不敗乃公事哉引證設喻盲老公擅長千古先

生乃得其秘鑰 宋梁

沐英沐天波

勝國三百年。沐家與終始。起有高峯。冠雲之勢。黔寧少也。孤立功

自閩起。南征隨衛公。拓地一千里。留鎮昆明池。長城帝

自倚。追王身後榮。昭靖爲之誅。孝陵伎尅君。烏盡弓藏

矣。恩誼保初終。當時孰能比。題後星海承遺蔭。好賢能

下士。歲貢方物勤。思宗詔哀美。我兵下滇雲。殘境無堅

壘。扈從永明王。崎嶇殉咒水。嗟彼劉孔昭。亦云故家子。

望風崩厥角。遺臭南渡史。題後

明初佐命之臣。令終有幾。明末殉難之士。世族無多。

梅隱詠史詩鈔

下卷

十七

若沐家者可謂祖孫濟美矣。挈領提綱分枝布葉仿

龍門五宗世家大宛等傳。宋棠

04827



虞邑百官鎮橋韻  
香齋王國孝刻室鋪鑄

